

摘藻堂四庫全書薈要

集部

欽定四庫全書薈要

集部

元文類卷四十一



詳校官候選知縣臣吳甸華

欽定四庫全書薈要卷二萬一百二十四

元文類卷四十一

元 蘇天爵 編

禮典總序

於皇有元應天順人功成治定迺稽古經國施和萬民
惟帝中興禮樂大備粲然成方垂則後世夫制禮自邇
覃遠由親暨疏朝覲會同以正大位以統百官以馭天



下錫賚燕饗以睦宗戚以親大臣以裸賓客天下既定
弗敢怠寧故行幸以時君臨萬邦在罷與名故通信以
瑞節辨等以輿服定律作樂治厯明時何以守成求聞
帝王之訓以崇德何以新民率循聖賢之學以設教勵
學以經行而賓興其賢能廣聽於芻蕘以通徹其壅蔽
討論潤色藝文修矣厚往薄來遠人柔矣天道弗遠示
君以事故度德以應禎祥修己以弭災變而入道備矣
是以道合于天德涵乎地仁義孚于民然後可以享上

帝事祖宗通乎上下之祀而無愧生榮死哀極乎幽明
之變秘科內典悉其祀禱之方而鬼神之情見矣考諸
行事厥有成績作禮典上中下篇一曰朝會二曰燕饗
三曰行幸四曰符寶五曰輿服六曰樂七曰歷八曰進
講九曰御書十曰學校十有一曰藝文十有二曰貢舉
十有三曰舉遺逸十有四曰求言十有五曰進書十有
六曰遣使十有七曰朝貢十有八曰瑞異為禮典上篇
一曰郊祀二曰宗廟三曰社稷四曰岳鎮海瀆五曰三

皇六曰先農七曰宣聖廟八曰諸神祀典九曰功臣祀
廟十曰謚十有一曰賜碑十有二曰旌表為禮典中篇
一曰釋二曰道為禮典下篇蓋國家典禮朝會以尊君
治人之道也郊廟以禋祀事神之道也佛氏為教超乎
神人之表所以輯福于國家民庶者也故各為一篇之
首

朝會

國朝凡大朝會后妃宗王親戚大臣將帥百執事及四

方朝附者咸在朝會之信執禮之恭誥教之嚴詞令之美車馬服用之別牲齊歌樂之辨寬而有制和而有容貴有所尚賤無不逮固已極盛大於當時矣世祖皇帝建國紀元始命議禮考文思兼古帝王之事粲然成一代典章以垂無窮焉

燕饗

國有朝會慶典宗王大臣來朝歲時行幸皆有燕饗之禮親疎定位貴賤殊列其禮樂之盛恩澤之普法令之

嚴有以見祖宗之意深遠矣與燕之服衣冠同制謂之只孫必上賜而後服焉

行幸

皇朝建國之初四征不庭靡暇安處世祖皇帝定兩都以受朝貢備萬乘以息勤勞次舍有恒處車廬有恒治春秋有恒時遊畋有度燕享有節有司以時供具而法寓焉此安不忘危貽子孫萬世之法者也故列聖至于今率修而行之

符寶

古者合信於天下皆用玉焉至秦得和氏璧刻為皇帝璽後有天下者傳之為寶或不得則倣而作之噫天命有德何有於秦璽哉我朝懲歷代之謬雖得秦刻及前世之器皆藏而弗用爰製大寶質兼金玉之貴文列古今之宜以成一代之制度典瑞掌之爰述其目凡軍符驛券諸侯王百司印章附焉

輿服

聖朝輿服之制適宜便事及盡收四方諸國也聽因其俗之舊又擇其善者而通用之世祖皇帝立國建元有朝廷之盛百官之富宗廟之美考古昔之制而製服焉如冕舄之制祭祀則用之旂常之章朝會則用之至英宗皇帝始置鹵簿於是乎儀衛兼備矣

樂

樂也者聲文之著者也國家樂歌雄偉宏大足以見興王之盛焉郊社宗廟孔子之廟先農之壇用古樂朝會

燕饗用讌樂於是古今之音備矣

厯

欽天授時帝典先焉我世祖皇帝混一區夏首徵名儒
作授時厯為仰儀簡儀及諸儀表創物之智有古人未
及為者於是測景之所東極句麗西至滇池南踰朱厓
北盡鐵勒凡二十有七是亦古所未備者也其為法多
采唐一行之議主於隨時考驗以與天合則無前代沿
襲傳會之弊此亦古所未能用者也豈非真元會合字

宙一初之徵歟昔在太宗皇帝時中書耶律楚材嘗為
庚午元歷足以見國初彌綸天地之事者已如此今西
域亦有歷官國家參用之

進講

國初嘗求儒者於兵間已有問道考治之意世祖之在
潛藩也盡收亡金諸儒學士及一時豪傑知經術者而
顧問焉論定大業厥有成憲在位三十餘年凡大政令
大謀議諸儒老人得以經術進言者可考而知也歷朝

因之至我欽天統聖至德誠功大文孝皇帝始開奎章閣陳祖宗之遺訓考經史之格言以養德性以成事功而文治大興矣

御書

日月之縣象雲漢之為章星辰之經緯皆天之文也及夫河出圖洛出書則有以通神明之德類萬物之情豈非造化之緼至是而著明歟天子言而為訓誥誓命行而為禮樂典章何往而非文也至於萬幾之暇親御翰

墨則刻之琬琰焜耀來世亦猶天之所為其惟圖書乎
我國家自世祖皇帝爰擇名儒以傳東宮是故裕宗皇
帝之在春坊嘗有日習倣書藏之東觀以示子孫迨夫
仁宗皇帝英宗皇帝時有宸翰寵賜羣臣傳至欽天統
聖至德誠功大文孝皇帝則辭意之粹書法之聖度越
前代帝王矣猗歟盛哉

學校

古之有國家者設庠序學校以教其民申孝弟之義導

仁義之方所以扶植三綱五常之道也故自王宮國都
至于閭巷莫不有學秦漢以降率是而行之則治遠是
而廢之則否明效大驗不可誣也我朝自太宗皇帝投
戈講藝建學于燕四方諸侯相繼興學迨夫世祖皇帝
之在潛邸也故金進士元好問啓請為儒教大宗師作
其即位以道建極文軌混同內設胄監外設提舉官以
領郡縣學校之事於是遐陬絕漠先王聲教之所未暨
者皆有學焉至元八年頒行國字又設蒙古字學視儒

學而加重自時厥後書院精舍月益歲增及夫大司農
之立則一鄉一社皆有學矣列聖相承百年之間幅員
萬里黌舍相望何其盛也而我欽天統聖至德誠功大
文孝皇帝又設置授經郎于奎章閣之下以教近臣貴
戚子弟之幼者數學自貴近始天下有不感化者乎外
是醫藥卜筮之流亦皆有肄習之所則名一藝者咸精
其能矣若稽周官鄉大夫之教屬地官大司樂之教屬
春官今國都郡邑之學載禮典鄉社之學則賦典具存

云

藝文

我國家文學之盛上古聖賢以來諸儒經傳之學史官
載之書其主典之官則有翰林國史集賢等院祕書國
子等監而律歷陰陽醫卜之事竺乾之教老莊之說又
各有其人焉民間之書尚多也自我朝之所作者製國
字以通語言文字於萬方述國制以示禮樂刑政於天
下至若奎章之建閣斷自宸衷緝熙聖學表章斯文所

謂唐虞之際於斯為盛矣夫

貢舉

以科目取賢能之士歷周漢至于唐以來其目多矣我
太宗皇帝既取中原即行試選取士之法至元中嘗議
行進士科歷大德至大皆有議而未及行仁宗皇帝始
以獨斷行之如茂異神童之科有則舉之非若進士科
之有定額也而亦附見焉

舉遺逸

國家取人之途多矣其有為有能之士或不肯自售朝廷以禮徵聘而起之高爵厚祿以待之是以貪夫廉薄夫敦鄙夫寬懦夫有立志者用此道也以遺逸舉者百餘年間尚多有之而簡牘殊不備書有徵者以啓其端

求言

昔者芻蕘之言聖人擇焉我國家來言者以達下情言苟不當亦不加罪著在令甲其內外臣僚章疏語在治典中禮曹職掌封事甚衆朝廷數使治擇而采用之俟

其成編則取而載之此

進書

工執藝事各進其技因以得官者蓋有之矣能文之士
以其所作來獻朝廷許之噫道成而上藝成而下君子
亦兼取焉

遣使

昔我國家之臨萬方也未來朝者遣使喻而服之不服
則從而征伐之事在政典此記使事而已天下既定郡

縣既立有所詢問考察則遣使致命遐遠則遣使皆事已而罷彙有司之存牘為此篇

朝貢

我國家幅員之廣極天地覆燾自唐虞三代聲教威力所不能被者莫不執玉貢琛以修臣職於是設官治館以待之梯山航海殊服異狀不可勝紀案牘不具不得備書立此篇以俟考補

瑞異

古人有災異則謹書之所以儆天戒而思患豫防也而祥瑞或缺不書者恐善佞者之生侈心焉今災祥並置以考休咎之徵故簡牘有存者悉書之

右禮典上篇凡十有八目

郊祀

惟天子得祭天古之制也我國家建大號以臨天下自有拜天之禮衣冠尚質祭品尚純帝后親之宗戚助祭率其世職非此族也不得與焉報本反始出於自然而

非強為之制者也有司簡牘可知者憲宗皇帝始拜天於日月山既而又用孔子孫元措言祭昊天后土始大合樂世祖皇帝至於今制度彌文而國家之舊禮初不廢也

宗廟

國初祭享之禮祖宗自有成法世祖皇帝中統元年秋七月祀祖宗于中書省三年因建太廟于燕京四年冬十有一月有事于太廟至元十七年作太廟于大都更

定室次歲有恒祀武宗皇帝始親享英宗皇帝更作新廟始製鹵簿御衮冕行裸獻今上中興先見廟而後即位親祀之禮史不絕書宜乎克戡大難身致隆平規模宏遠矣

社稷

古者有人民則置社稷至元二十九年始用御史中丞崔或言以明年正月營社稷於和義門內少南以春秋仲月上戊致祀牲牢器幣三獻之禮八成之樂亞於郊

廟之隆矣郡縣之祀風雨雷師皆附見焉

嶽鎮海瀆

古者有事於方岳天子親之其在諸侯封內者則諸侯亦各得祀之秦漢之後嶽鎮海瀆全歸職方氏之時蓋鮮我國家混一名山大川咸在封域之內自世祖皇帝累降明詔以次加封歲時遣使禮焉

三皇

三皇配天立極有國家者載諸祀典禮亦宜之我國家

通祀於天下祭儀畧倣孔子之廟歲以春秋之季行事
而以醫者主之

先農

國家既得中原始立勸農司又置大司農專領耕桑之
事歲有所報於先農則其官主之請于天子而行事焉
宣聖廟

有國家者通祀仲尼於天下其來尚矣我國家定中國
廟祀如故而學隸焉舟車所至凡置郡縣之地無小大

莫不皆有廟學其重者京師有國學之建東魯有闕里之祠至於褒封聖門之重崇撫儒者之勤尤為盛大矣
諸神祀典

神明之祀必因山川之形氣或有功德於人民可以禦災患可以立名教者則載之祀典非禮之禮不淫則謠在王政所宜禁者矣

功臣祠廟

古者諸侯有國大夫有家則有廟以祭其祖考功臣之

立廟雖諸葛武侯之於蜀漢猶有所不許焉後世宗法
不行諸侯大夫之家無廟以祭幾於忘其先矣我國家
一二大勲勞之臣賜之廟而使之祭皆異數云

謚

謚以易名所以定論生平也而羣臣之謚善惡具在今
善者多得謚而惡者無與立謚焉

賜碑

昔之有大勲勞於國家者勒之鼎彝以勸臣庶以示其

子孫後世伐石紀功以文其出自上旨者皆異恩也其事具天官臣事茲著其目焉

旌表

詩云天生烝民有物有則民之秉彛好是懿德夫孰無秉彛好德之心哉有國家者立為法制使愚不肖者有所觀感庶乎企而及之勉強以從之故有忠臣孝子義夫節婦之目以風示天下我朝教育之久有司上于禮部者無虛日旌異之書幾徧海內可不謂之盛治哉

右禮典中篇凡十有二目

釋

佛氏之學其言以涵弘廣大為宗我國家思以至仁大
慈覆燾萬物利益羣有是以崇尚其教而敬禮之日盛
月益大抵為宗社生靈計也其事攷而得之者悉載於
篇以冠禮典丙卷之首

道

道家者流以清淨為宗禮讓榮醜其末也太祖初有全

真丘處機者亦勸上以好生止殺之事中原之人至今稱道之此道之一門也其他如正一大道之類皆有所因起其事有關於朝廷者則錄之

右禮典下篇凡二目

政典總序

天生五材兵能撥亂軒轅之興其戰七十征頑伐鬼代不絕書惟我國家光受貞符二祖三宗經營大業天戈攸及無遠不庭成廟以來敷文享成邊陲乂安間有小

警德明德威尋致救寧若創與守度越前古編之簡冊
焜耀無極是作政典其類二十其帙百二十三

凡天下事其統有宗貫錙挈表以索以領作目錄一卷
天造草昧西東梗阻式渙其羣以一萬有作征伐第一
未盜遐夷潢池倔強蝨蚤奚校道兼畏懷作招捕第二
籍名編伍憲度以申踐更調發覲若畫一作軍制第三
刁斗靈姑干戚斧鉞橐兜函矢皆軍之用作軍器第四
作息進退齊之實難乃立之師示以成式作教習第五

器久益弊習久益忘俾陳在列視其臧否作整點第六
有能勤事以死樹功高爵厚祿用錫其成作功賞第七
怠惰亡命賊事敗衆待爾以何刀鋸鞭扑作責罰第八
周廬徼巡前後左右居重馭輕以臨天下作宿衛第九
大君之心天下一家思保億兆皆如王宮作屯戍第十
勞則思善興建是役且寬三農俾專南畝作工役第十
一爾病我藥我振爾乏沐浴膏澤歌詠勤苦作存恤第
十二看來叢脞紛瑣無歸取不可門棄之弗備作兵雜

錄第十二屯田軍食馬牧軍資獵以合圖斯寓軍政驛
郵驕邏皆有卒名非兵而兵故悉附見作馬政第十四
屯田第十五驛傳第十六弓手第十七急遞第十八祇
從第十九鷹房捕獵第二十終焉

征伐

平宋

國家既踣金遂與宋鄰歲有疆場之事天啓列聖方事
開拓宋德日衰權姦擅命土隳人貳曾不知警迨世祖

即祚拘我好使

郝經

結我叛臣

李璫

天子震怒是以有襄陽

之役文煥送款

呂文煥

亡徵具矣而直我神聖興亡之運

驅豪傑攬羣策颶逐靈訇三道鼓行

至元十一年七月左丞相巴延奉詔

南征九月一日巴延與史天澤命師襄陽分軍為三道巴延引大軍水陸趨郢州招討使翟某以兵一萬由西路老鴉山趨荆南府索多以兵一萬由東路棗陽掠司空山前茅破竹中堅握機於

是靳沙陽新城

十月二十二日大軍至沙陽城下令黑楊總管招降城上不肯與之語復使一

俘持黃榜及檄文且傳郢州都統趙文義首入城招之其守將串樓王總管者斬俘焚黃榜其部官傅益乘一舟引軍十七人來降續又降軍船七艘王總管斬益軍之欲降而未及者日暮我軍立砲二十三日參政呂文

煥至城下諭之使降弓弩亂發乃水陸並進軍中有李
國用者能祭風風大作砲手張元帥等順風掣金汁火
砲入城燒屋舍煙焰燎天城遂破生擒串樓王等四十
餘悉斬之沙陽南五里為新城其將曰邊都統二十四
日參政呂文煥至城下招諭城上人不肯酬答流矢亂
下二十五日巴延等過江令特穆爾史達爾罕二人詣
城下招之列沙陽所斬首及縛串樓王等令望城呼邊
都統宜早降不然禍在目下又射黃榜及文檄入城中
又遣人招邊都統曰請呂參政與語文煥騎馬至城中
飛矢如雨中文煥右臂奔還二十六日總制黃順來降
二十七日令順赴城下呼城上軍其部曲即縋城欲下
邊都統邀截入城當門斬之統副任寧又來降遂引軍
據其周圍堡寨復使人招於城下邊都統不言但以火
砲石砲弓弩箭鑿俱發於是水陸並進五砲穀弩豎雲
梯登城攻破邊都統自焚鏐陽羅十一月二十三日大
死串樓王等四人亦併誅

將議渡江遣總管劉深千戶馬福觀沙湖水勢令諸將
皆趨漢口諸將曰漢口水急且有備不若由淪河轉取
沙武口以入大江巴延遣覘沙武口宋將夏貴堅守其
勢難犯巴延乃圍漢陽軍陽言取漢口渡江貴果出精
兵數千援漢陽併力守禦巴延遣萬戶阿勒哈率騎兵
倍道趨沙武口襲拔之十二月九日大軍自漢口開壘
引船入淪河轉沙武口達於大江十日巴延以戰艦萬
計相踵而至先令數千艘泊於江岸北屯布蒙古漢軍
旌旗彌望宋人奪氣夏貴率漢鄂舟師彌亘三十餘里
迎敵至夜貴潛發兵犯我師軍船總管張當戰卻之是
日令諸將修攻具進陽羅堡十一日詰旦遣人宣布朝
廷威德招諭陽羅將士弗聽十二日又遣人數陳禍福
宋將士曰我輩受大宋重恩戮力死報此其時也安有
叛逆歸降之理備吾甲兵決之今日巴延遂指揮諸將
進攻不克十三日復攻陽羅堡巴延密謀於阿珠曰宋
入之心謂我必拔此堡方能渡江此堡堅攻之徒勞苦

今夜汝以鐵騎三千挽舟沂視上流陣必不堅當為擣
虛之計以來日絕早渡襲南岸苟得過速遣人報我阿
珠亦曰攻城乃下策若分軍船之半循岸西上泊青山
磯下伺隙擣虛可以得志遂以昏時遡流二十餘里泊
青山是夜雪大作夜半遙見南岸多露沙洲即率部曲
徑渡載馬後隨宋將程鵬飛拒戰江中阿珠橫身盪決
蹀血中流禽都統高邦顯房某死者無算得船千餘艘
阿珠登沙洲急擊攀岸沙闕開而復合者幾四敵小卻
萬戶史弼鼓勇而戰遂得南岸諸將出馬苦鬪破之追
殺至鄂南門宋人敗走十四日黎明阿珠遣報依命而
往已過江矣巴延大喜指揮諸將進攻陽羅堡又舟師
直衝敵船大戰江中我軍盡追攻之宋軍大潰數十萬
衆死傷幾盡流尸蔽江而下夏貴僅能脫命乘舟走至
白虎山抵暮方止諸將以貴大將不可使逸請追之巴
延曰陽羅之捷吾欲遣使前告宋人而貴走代吾使不
必追是夜宋置制使朱禕孫舍鄂州而遁既而沿江諸

郡邑皆來降

蹇賈似道蕪湖

十二年二月九日巴延兵入池

貴等悉兵十餘萬號百萬建都督府以戰艦五千餘艘屯丁家洲遣袁克己宋京等奉國書求成請稱臣歲貢

巴延遣千戶囊嘉岱與克己同往答書如君臣相率納土即當奏聞不然備尔甲兵以決勝負囊嘉岱回言似

道不肯降十六日次于丁家洲兩軍相拒數里十八日進戰巴延曰衆寡不敵宜以計勝即令軍中作大棧數

十採薪芻置其上陽言欲焚其舟宋人但晝夜嚴備而戰心少懈巴延乃分兵夾江步趨然後麾戰艦合勢衝

宋軍阿珠與其前鋒泰州觀察使孫虎臣對陣夏貴以戰艦二千五百艘橫亘江中似道將後軍時我已令諸

將順江勢兩岸樹礮擊其中堅南軍陣動巴延趣我船急進阿珠即手舵衝船雷鼓大震聲動天地我師掠彼

舟大呼曰宋人敗矣似道倉皇失措舳艫簸蕩乍分乍合阿珠以小旗麾將校率輕銳橫擊深入宋軍大潰即

回棹走巴延以步騎夾岸倚之追奔百五十里殺溺死者蔽江而下水為之赤獲戰艦二百艘及都督府印軍資器械無算似道走揚州貴走廬州虎臣走秦走張世州軍次當塗和州太平建康相繼歿附於我

傑焦山

七月一日張世傑等率水軍操戰艦曰黃鵠白鷄萬餘艘屯焦山南北每十船為一舫沉鉄碇

於江非有號令不得擅自起碇蓋示以必死也時宋將劉師勇據常州誘浙右新附諸城復叛與世傑虎臣輩相合咸欲致死於我二日阿珠登石公山望之舳艫連接旌旗蔽江阿珠曰可燒而敗之委命伉健善殺者千人載以巨艦分兩翼來射阿珠居中合擊繼以火矢灼其蓬檣寔無所出董文炳亦以軍直扣焦山之麓交戰自寅至午宋人力不能支遂潰欲遁又卒不能起碇士卒投江者數萬世傑等鼠竄不知所往追至圖山得船七百餘艘俘敗兵萬餘大燬毗陵十一月十六日巴延自是淮東兵不敢出軍至常州先是常帥

劉師勇舉衆附既而陰結外援據城以叛已延至不忍
加兵乃射書城中曉以禍福許其自新至再三終不從
十七日又令諸掾史書諭文射入城中曰常州我大元
已附之城爾衆復來據之大丞相領兵臨城四面攻擊
勢易摧枯耳然念我主上好生惡殺務以招徠為先連
日遣人告諭未見聽從爾之士民勿以歸降復叛為疑
爾之將士勿以拒敵我師為懼約以來日如能出城歸
附以保生靈前罪一無所問不妄戮一人仍依沿江已
附州城一例遷加爵賞四民各令安業若更執迷堅拒
城破之日枕尸流血老幼無遺宜速審思無貽後悔又
不聽已延乃親督帳前軍數千臨於南城又多建火砲
弓弩等日夜攻之不息十八日諸軍奮勇爭先登木城
即豎紅幟於城上四面並進五戰而宋不國矣是昺亡
宋兵大潰克之遂屠其城

命假息閩廣

十三年正月十九日大軍至臨安北五十里陳宜中張世傑蘇劉義劉師勇等挾宋

宗室廣王昺益王昱遁去宋主尋歸命五月一日文天祥宜中世傑等立昱於福州收集潰兵大假閩人爵賞於是閩中亦變為昱用昱發兵五萬取邵武諸城六月命彭都統征廣州李恒救邵武至建昌民心少安又破吳浚兵于南豐九月江西兵與東省阿勒哈董文炳會征昱招討伊德默色會東省兵于福州右副元帥呂師夔左副元帥張榮實將兵赴梅嶺與昱兵遇敗之昱遁海外碇洲十四年九月五日福建宣慰使索多言南劍州安撫使達魯噶齊馬良佐遣人於福泉等處密探得殘宋建都廣州改咸熙元年又聞舟師至港口為廣州官軍殺退回在海內有一山名秀山又名武空山山上民萬餘家有一巨富者昱買此人宅宇作殿闕屯駐其兵病死者甚多十一月十五日千戶教化孫獲南人言宜中奔廣州十二月九日達春圍廣州宜中遁十二日宋將張鎮孫以廣州降宜中尋與昱昺世傑劉義等走香山十八日達春會哈喇岱言索多遣人持書諭世傑

昱等驚潰不知所之塔爾楚復遣哈喇岱與宣撫梁雄飛
北討王天祿將兵追襲之與世傑軍遇於香山奪戰艦
符印俘其將吏李成等詰問之成對世傑攻泉州宜中
衆尚數千人船八百艘比至虎頭山中流為風壞船泉
溺死宜中以身免二十三日沿海經畧使行征南左副
都元帥府兵追昱曷世傑等至廣州七州洋及之戰海
洋中奪船二百艘獲昱母舅俞如珪等十五年五月二
十九日昱將王用來降言昱已死世傑等立曷改元祥
興士卒止萬人而硯洲無糧儲聞瓊州守臣欲給糧二
萬石海道灘水淺急難於轉運止有杏磊浦可通舟楫
宜急以兵守之雷州總管蒙固岱等崖山拉傾六月二
得其說即命諸將進軍為戰守之計崖山拉傾十七日
江東道宣慰使張弘範拜蒙古漢軍都元帥江西省參
政李恒為副都元帥征曷等閏十一月十四日恒入廣
州待弘範降卒戴寶言王死硯洲廣州屯新會縣之崖
山縛草架木為宮殿凡千餘楹有船七百艘衆軍士尚

衆由海道渡兩晝夜可抵其處舍舟莫能往也十六年正月二日弘範發潮陽港徑往崖州十四日弘範至崖山圍世傑軍十六日李恒聞弘範已赴海道即率麾下戰艦一百二十艘入海二十二日恒會弘範于崖山初弘範至甲子門獲曷斤侯劉青顏訥知曷棲于崖山之西山南北亘二百餘里東南枕海西北皆港弘範至山北水淺不通乃由山東而南又西與曷遇曷建宮山麓碁結巨艦千餘艘下碇海中中艦而外舳大索貫之為柵以自固四圍樓櫓如城弘範潛舟載騎兵登麓焚其宮曷以閩艦號快船者樵汲弘範命樂總管山寨斷其汲路恒以巴圖船當之曷遣兵爭之皆敗去自是樵牧日梗弘範又命樂總管自寨以砲擊曷艦艦堅不動有烏蜚船千艘救曷曷于北弘範笑曰此徒取死耳夜擇小舟由港西潛列烏蜚船北徹其兩岸且以戰艦衝之烏蜚船皆並海民素不知戰曷又不敢援進退無據攻殺靡遺弘範因取烏蜚載草灌油乘風縱火欲焚曷艦

曷預以泥塗艦懸水筒無數大船至鉤而沃之竟莫能
燬曷將周文英日挑戰十餘次皆為弘範所敗弘範以
張世傑其父柔之故卒成杞時有罪逃宋索其甥韓某
署萬戶府經歷三遣諭禍福世傑歷數古忠臣曰吾知
降生且富貴但為主死不移也韓迫之世傑笑曰果欲
我降撤汝圍兵使吾出諸將請以砲攻之弘範曰砲攻
敵必浮海散去吾分追非所利不如以計聚留而與戰
也且上戒吾屬必誅滅此今使之遁何以復命恒亦謂
弘範曰我軍雖圍賊賊船正當海港日逐潮水上下宜
急攻之不然彼薪水既絕自知力屈乘風潮之勢遁
去徒費軍力不能成功也遂畫圖定議與敵船相直對
攻二月五日夜弘範召諸將三誓之發砲與曷相對六
日平旦弘範分諸將為四軍恒當曷北及西北角樓諸
將分居曷南及西弘範將其一居西南去曷里許令曰
敵東附山潮退必南遁南軍急攻勿失之西北軍期吾
樂作乃戰又令曰敵西南艦可受危聞其將左大守之

必驍勇也。吾其自攻諸將。謂元帥不宜自輕。某等當効力。弘範曰：帥當先其難者。頃之有黑氣出山西。微雨滿天。弘範曰：吉兆也。潮退水南瀉。恒從北面順流衝擊。突入其陣。恒令諸軍船尾命施師。轉船逆行。徑擣其柵。我軍憑高瞰敵。勇氣百倍。登其船。斷其索。短兵接戰。彼以江淮勁卒。各殊死鬪。矢石蔽空。至已時。奪三船。恒率已圖軍復駕快船戰。至日午。潮水長。北流。南面軍復順水勢進攻。世傑腹背受敵。以火砲禦南面軍。預濡蜀覆艦。砲盡不能均。寸尺然戰不利。弘範益其卒。始奪一艦。弘範所乘艦布障四匝。伏盾作樂。敵疑宴而懈。弘範以已艦昇於敵。且出入艱。乃回艦尾抵左。大左大射。矢集布障。桅索如蝟。弘範度其矢盡。撤障去盾。兵矢火石俱發。奪左大艦。又與夏御史戰。奪七艘。敵懼。去自投水。諸將合勢乘亂皆殊死混戰。自己至申。聲震天海。斬獲幾盡。曷端明殿學士陸秀夫先沈。妻子於水。登曷船。曰：官家事危矣。柰何。遂胞曷俱死于水。時弘範操小舟詣恒。

議事世傑等乘間開南壁率十六艦奪港門遁去恒與
弘範等追至崖山口值天晚風雨驟至煙霧四塞諸將
各相失弘範還恒獨進追之承宣使翟國秀等解甲就
降焚溺之餘尚得海艦八百餘艘七日浮水之屍十餘
萬有卒求物屍問言見一屍小而哲衣黃衣負印籤云
詔書之寶取寶獻弘範弘範問宋人尹都統曰曷也又
問近侍數人皆以為然求之已不得矣世傑奔交趾至
海陵港遇風艦敗溺死弘範等磨崖山紀功而還恒追
至高州得獲藥芽斯絕惟太祖皇帝以來西夏回紇高
昌尸報遂回

昌六詔交州三韓以及中原悉為臣庶獨宋未下我世
皇遂能一六合車書混光嶽之氣以上接百王之統嗚
呼盛哉若神謀睿算獨運於萬物之表者有不可得而

知將相之方畧士卒之拳勇取舍之機會降下之次第則悉著篇中

高麗

太祖皇帝之十三年天兵至高麗其王降通使歲貢十九年盜殺使者遂絕不來太宗三年討之王暉又降置京府縣達嚕噶齊七十二監之而班師明年盡殺朝廷所置官以叛保海島遣帥問罪帥中傷死軍回七年八年九年連以兵拔其城甚多十年暉遣人奉表詔徵暉

以母喪辭詔朝明年終不至定宗之二年憲宗之三年
至七年伐不已世祖中統元年王倬歸款且言出水就
陸詔罷征二年世子植朝至元元年八月植以王朝京
師六年其令公林衍廢植立安慶公曰渴者遣國王頭
輦哥以兵撫定詔植復位偕渴衍入朝植受詔得還為
王且來覲渴衍不至七年討衍師壓境衍已前死國人
滅其族因又設官監其國無何植之族承化公以三別
抄叛又遣將破斬之餘黨金通精走耽羅尋亦禽誅植

始歸其王京者居焉是後王來世子八侍寵錫便蕃至
尚主為王官賜功臣號至于今渥澤益以加列聖之涵
濡煦嫗者至矣匪頒貢語在禮典茲第書軍旅之事而

附以耽羅焉

太祖十三年天兵討契丹叛人至高麗國
人洪大宣降為鄉導共攻其國其王迎王

師降自後歲貢交通使命往來不絕十九年著古與往
使中途為賊所害積年絕不相通太宗三年遣元帥薩

哩台和尼齊等討之王瞰降置京府縣七十二達魯

噶齊而班師四年六月殺達魯噶齊而叛保海島八月

又遣薩哩台討之中流矢軍回七年唐古福源征之七
八九三年連拔城池十年瞰遣將軍金寶鼎奉表入朝

十一年五月詔瞰入朝辭以母喪詔朝明年定宗二年
命阿母侃與福源同討憲宗三年命宗王耶虎征之援

禾山城等四年改命札拉岱征之六七年連拔光州安
城等世祖中統元年四月詔王使歸款冊為王請出水
就陸班師罷征二年世子植入朝三年王植至元元年
八月植朝九月頒改元詔于其國六年八月世子懃言
權臣廢其父立安慶公渴為王詔遣誘爾多斯布哈李諤
詳問九月特納克征之十月差國王孟克圖行省事撫
定高麗仍詔植渴林衍入朝十一月二十三日植受詔
復位十二月植入朝七年正月討林衍二月植還國設
達魯噶齊五月大軍次王京衍已前死六月承化公以
三別抄軍叛據江華島劫焚府庫圖籍逃入海中行省
令納新追擊之八年正月請尚主五月經畧使欣都史
樞等攻破珍島斬承化公其黨金通精走耽羅六月世
子懃入侍十年四月欣都洪察球爾拔耽羅禽金通
精十一年五月公主下降於懃復名懃又名眡

日本

日本海國自至元大德間黑廸殷弘趙良弼杜世忠何文著王積翁釋如智寧一山與高麗之潘阜金有成輩數使其國惟積翁中道為舟人所殺餘皆奉國書以達而竟不報聘至元十年實都洪察球爾以二萬五千人征之第虜掠而歸十七年阿勒哈范文虎輩以十萬人征之未見敵喪全師二十年安搭海復以十萬人往而昂吉爾上言民勞乞寢兵上亦謂日本未嘗相侵而交趾犯邊宜置日本專事交趾遂罷征日本人竟不至國書

始書大蒙古皇帝奉書日本國王繼稱大元皇帝致書
日本國王末並云不宣白不臣之也辭懇懇款款自抑
之意溢於簡冊雖孝文於尉陀不是過焉者還上以為
將命者不達哈達被却上以為典封彊者慎守固禦為
常此將吏之過良弼之往復謂不見報者豈以高麗林
衍叛道梗故耶終不以旅拒名之忻都軍既還其國遣
商人持金來易錢亦聽之又詔勿困苦其商人柔遠之
道至矣阿勒哈之行上宣諭曰有一事朕憂之恐卿輩

不和耳既而諸帥果以輿尸取敗而上言將校不聽節制逃去載運士至合浦遣還鄉里及敗卒于閬者脫歸則言省臣先潰去棄軍五龍山下為日本所殲諸將之罪始暴著昂吉爾之言曰語曰上下同欲者勝又曰兵以氣為主近歲民貧賦重薦水旱救死不暇復驅之涉海遠征草野愁歎此非上下同欲也軍嘗挫衄東海倉皇喪氣人無鬪志非所謂以氣為主也成宗即祚或又建言伐之上曰今非其時朕徐思之卒遣寧一山附商

舶往使而已嗚呼世祖之文經武畧與知人之明謙光之度成宗之能持盈昂吉爾之讜言諸將之罪負日本之自絕照臨皆當使世有聞焉

至元二年命兵部侍郎哈達禮部侍郎殷弘持

國書往使日本書稱大蒙古皇帝奉書日本國王云云未云不宣白道高麗高麗王植言道險遠不可辱天使命其起居舍人潘阜持書往留六月不得要領而歸五年九月再命哈達勒弘往至對馬島日本人拒不納交闕執其塔二郎彌二郎二人而還六年命高麗金有成送還執者且俾中書省牒其國亦不報十二月又命秘書監趙良弼往使良弼乞定與其王相見之儀廷議與其國上下分未定與其國且無禮數上從之良弼至留其太宰府守護所者久之時又有曹介叔者上言高麗還路導引國使有捷徑順風半日可到但使臣則不敢同

往大軍進征則顧為鄉導上曰如此則當思之九年五月命高麗王植致書日本諭使通好始遣彌四郎者入朝上宴勞之既又逼使者徒歸竟不報聘十年命鳳州經畧使實都高麗軍民總管洪察球爾以千料舟巴圖輕疾舟汲水小舟各三百共九百艘載士卒二萬五千伐之十一年十月入其國敗之而我軍不整箭又盡第虜掠四境而歸十二年遣禮部侍郎杜世忠兵部侍郎何文著計議官蘇都爾丹往使書前言大元皇帝致書于日本國王後言不宣白亦不來覲十四年遣商人持金來易銅錢許之十七年十月立日本行省命阿勒哈為右丞相范文虎及實都巴圖等率十萬人討之十八年二月諸將陛辭上曰有一事朕憂之恐卿輩不和耳范文虎新降者也汝等必輕之八月諸將未見敵喪全師以返上言至日本欲攻太宰府暴風破舟猶欲議戰萬戶厲德彪王國佐等不聽節制逃去本省載餘軍至合浦散遣還鄉里未幾敗卒于閩脫歸言官軍六月入海

七月至平壺島移五龍山八月一日風破舟五日文虎等諸將各自擇堅好船坐去弃士卒十餘萬于山下無食無主者三日衆議推張百戶者為主帥號之曰張總管聽其約束方伐木作舟欲還七日日本人來戰盡死餘二三萬虜去九日至八角島盡殺蒙古高麗漢人謂新附軍為唐人不殺而奴之閭閻革是也蓋行省官議事不相下故皆棄軍歸久之閭與莫青吳萬五者逃還十萬之衆得返者此三人也二十年命安搭海為日本行省丞相徹爾特穆爾右丞劉二巴圖左丞陳某右丞鄭某參政往以十萬人往淮西宣慰使昂吉爾上言民勞乞寢兵二十一年又以其俗尚佛遣王績翁者與普陀僧如智往使舟中不願行者共謀殺績翁不果使而返二十三年上曰日本未嘗相侵今交趾犯邊宜置日本專事交趾成宗大德二年江浙省平章政事伊蘇岱爾乞用兵日本上曰今非其時朕徐思之大德三年遣僧寧一山者如妙慈弘濟大師附商舶往使日本而日本

人竟不至

安南

安南以險遠為國自憲宗世祖時大將烏蘭哈達鎮南王托歡凡兩以王師入其所居之城其餘疆場之事皆

細微也然亦畧載之

憲宗二年世祖征大理發中道烏蘭哈達由西道晏當路諸王綽哈

伊濟哩由東道白蠻進三年大理平四年世祖北還留烏蘭哈達攻諸夷未附者七年兵次交趾北阿闐遣使往諭不返又遣齊齊克圖等將兵進抵洮江烏蘭哈達繼進十二月十三日交人敗入其國王陳勝竄海島出所遣使獄中屠其城留九日以熟班師還至三十七部鬼方復遣二使招勝勝還國憤殘毀縛還二使八年勝傳

國長子光曷光曷遣其婿以方物來見烏蘭哈達遣訥
刺丁招光曷來朝光曷納欵中統元年禮部郎中孟甲
充南諭使持詔入安南光曷遣族人通使大夫奉公員
外郎諸衛寄班阮瓌等詣闕獻書乞三年一貢從之至
元三年頒改元詔賜厯日十四年光曷卒其世子日烜
立累徵入朝不至十八年十月立安南宣慰司以巴延
特穆爾為參知政事行宣慰使都元帥設僚屬有差詔
立陳遺愛為安南王二十年阿爾哈雅以書抵日烜俾
助兵糧攻占城上命鎮南王道交趾伐占城二十一年
十月師次永州安南遣興道王率衆二萬屯衝要以扼
王師十二月敗之于可離隘又敗之于洞板隘殺其將
秦岑至內旁隘敗其興道王遁走執其將大僚班段台
進至萬劫興道王又敗走官軍至富良江日烜親拒戰
敗棄城走天長府師入其國別將右丞唐古岱敗其太
師昭明王雲肅王左天王等兵宗王耀格敗其昭孝王
于清化府斬之大軍追日烜于阿魯江德剛江處處破

之進至天長府日烜又敗走禽其建德侯陳仲追至膠海口不知日烜所在其族昭國王通義侯武道侯明智侯明誠侯彰懷侯彰憲侯義國侯等皆降唐古岱追日烜及其上皇至安邦海口棄船走山林尋聞入清化府四月交兵大起其興道王攻萬戶劉世英于阿魯堡忠誠王攻千戶馬榮于江口皆殺退既而水陸來攻大營城圍數匝雖多死增兵轉衆官軍朝暮鏖戰困乏器械皆盡遂棄其京城渡江屯駐尋班師至如月江日烜遣其懷文侯來追殺之至用江伏發官軍蹋斷浮橋多溺死七月事聞樞密院請以兵五千期今年十月會潭州征之二十三年正月議徵兵客省復大舉伐安南詔立其族之來降者益稷為安南王秀峻為輔義公以奉陳氏祀日烜上書東宮哀鳴求罷兵湖南宣慰司亦上言民疲士卒多死傷詔散兵還各營罷征二十四年令烏瑪爾樊參政率兵水陸進征交趾尋亦罷三十年以累徵不至議遣劉二巴圖征之世祖上仙成宗即祚詔赦

日燭
罪

雲南

憲宗御極當癸丑之歲世祖以皇帝奉詔征西南氏命

烏蘭哈達為先驅期年還朝烏蘭哈達專征至五年悉

定凡得城五府八都四蠻部三十七至元四年冊宗室

和克齊為雲南王遣就國鎮撫之自是裔夷獷俗時起

跳梁則皆郡縣其地以後之事故第入招捕類中此不

載憲宗三年世祖征西南夷由土蕃入雲南命烏蘭哈達自旦當領入降摩些部涉金沙江攻下諸砦取龍

首關世祖遂入大理國城烏蘭哈達分兵取附都善闡
鳥巒次羅部府大酋高昇拒戰大破於淺可即山下昇
嬰城自守城際滇池三面皆水難攻圍七日不克國主
段智興柔暗權臣高祥方謀篡弒及大兵至智興走匿
昆澤追及善鄴獲之世祖入其城秋毫不犯尋引兵入
土蕃酋長唆火脫因塔里堅守烏蘭哈達進攻懼而出
降用為鄉導襲取白蠻譯曰蔡早章蠻依山固守烏蘭
哈達令其子阿珠殺蠻退走乘勝至烏蠻曰哈刺章攻
破水城四年春世祖還烏蘭哈達至烏蠻之都曰押赤
城依山阻水不可近鬼蠻背復助之烏蘭哈達攻不下
阿珠攀城而入遂拔之又下乾德哥城圍巴哈合因國
拔齊圖格塞又克忽闌城降羅羅斯阿伯阿魯諸國凡
平五城八府四郡烏白等三十七部蠻
至元四年命和克齊為雲南王以鎮之

建都

建都古越雋也至元四年克味錦領兵招諭其人亦有願
為內應者既而以無功坐誅九年親王伊蘇岱爾乞往
征十一年蒙固台又往征元貞間立軍民總管府于其
地然出師振旅降下攻擊之詳簿書闕焉至元三年九月四川行院

言建都欲降乞降詔招之四年九月克味錦乞領兵招建
都從之十月下詔招諭五年三月建都總管軍民大頭
目八坐億智拍祖不作四人遣急吉者來告乞官軍攻
城我等殺國主効力土蕃頭目晚著亦願助糧六年六
月克味錦無功亡士卒棄市九年正月親王伊蘇岱爾願
領六千人往征之上從其請十一年命蒙固台領兵一
萬一千五百征之元貞二年五月
丞相旺札勒奏立建都軍民總管府

緬

朝廷以至元十年始遣使招緬不至十四年春緬人犯邊偏將呼圖克土官信苴日輩大敗之十月行省遣納蘇拉丹破其三百餘砦然皆方面疆場之事二十年使詔宗王桑阿克達爾往征破其江頭城二十二年乃議納款貢方物既其王為庶子不速速古里所囚大德二年其臣阿散哥也復擅廢立四年命宗王庫庫雲南省平章政事竒察古爾蒙郭德勃默色等率師問罪功不就而

還臣作政見高麗有林衍承化公金通精之亂今緬亦似之皆蕞爾國而屢有弗靖至煩朝廷兵鎮撫可憐哉

至元八年大理鄯闡等路宣慰司遣音達托音等使緬招其內附不得見其王見其臣下遣价博者皆來十年以乞台脫因充禮部郎中與嚙瑪喇實哩及工部郎中劉源工部員外郎蘇爾約蘇充國信使副特詔往諭徵其子弟大臣來朝十二年四月建寧路安撫使賀天爵言金齒人阿郭知入緬三道一由大部馬一由縹甸一由阿郭地俱會緬之江頭城又阿郭親戚阿提犯在緬掌五甸戶各萬餘欲內附阿郭願先招阿提犯及金齒之未降者為引導雲南省因言緬王無降心去使不反必須征討聖旨姑緩之十一月雲南省始報差人探伺國信消息蒲賊阻道今蒲人漸多降者道稍通遣金齒千額總管阿禾探的國使已達緬俱安十四年三月緬人

以阿禾內附怨之攻其地欲立砮騰越永昌之間時大理路蒙古千戶呼圖克大理路總管信直日總把千戶托多爾海奉命伐永昌之西騰越蒲驃阿昌金齒之未降部進駐南甸阿珠告急呼圖克等晝夜行與緬軍遇一河邊其衆約四五萬象八百馬萬疋我軍僅七百人緬人前乘馬次象次步卒象被甲背負戰樓兩旁挾大竹筒置短槍數十根於其中乘象者取以擊刺呼圖克下令賊衆我寨當先衝河北軍親率二百八十一騎為一隊信直日以二百三十三騎傍河為一隊托多爾海以一百八十七人依山為一隊交戰良久賊敗走信直日追之三里抵寨門旋寧而退忽南面賊兵萬餘繞出我軍後信直日馳報呼圖克復列為三陣進至河岸擊之又敗走追破其十七砮逐北至窄山口轉戰三十餘里賊及象馬自相蹂死者盈三巨溝日暮呼圖克中傷遂收兵明日追之至千額不及而還捕虜甚衆中軍以一帽或一兩靴一氍衣易一生口其脫者又為阿禾阿昌邀殺歸者無

幾而官軍負傷者雖多惟一蒙古軍獲一象不得其性
被擊而斃餘無死者十月雲南遣某道宣慰使都元
帥納蘇拉丹率蒙古蠻楚摩些軍三千八百人征緬至
江頭深蹂酋首細安立砦之所招降其木乃木要蒙帖
木巨木禿磨欲等三百餘砦上官曲臘溝折民四千孟
磨愛呂民一千磨柰蒙匡黑答八刺民二萬蒙古甸甫
祿保民一萬木都彈禿民二百以天熱還師二十年十
一月王師伐緬克之先是詔宗王桑阿克達爾右丞塔布
參知政事伊克迪音將兵征緬二十年九月一日大軍
發中慶十月二十七日至南甸托多爾海由羅必甸進軍十
一月二日桑阿克達爾命伊克迪音取道於阿昔江達鎮
西阿禾江造船二百下流至江頭城斷緬人水路自將
一軍從縹甸徑抵其國十一日與大卜軍會十三日令
諸將分地攻取十九日破其江頭城擊殺萬餘人別令
都元帥表世安以兵守其地積糧餉以給軍士遣使持
輿地圖奏上二十二年十一月緬王遣其鹽井大官阿

必立相至太公城欲來納款為孟乃旬白及頭目解塞
阻道不得行遣瞻馬宅者持信劄一片來告縹甸土官
區俗乞報上司免軍馬入境區俗給榜遣瞻馬宅回江
頭城招阿必立相赴省且報鎮西平緬麗川等路宣慰
司宣撫司差三摻持榜至江頭城付阿必立相忙直卜
弄二人期以兩月領軍來江頭城宣撫司率蒙古軍至
縹甸相見議視事阿必立相乞言於朝廷降旨許其悔
過然後差大官赴闕朝廷尋鎮西平緬宣撫司達魯噶
濟兼招討使實刺使其國二十四年正月緬王為其庶
子不速速古里所執囚於昔里怯答刺之地又害嫡子
三人與大官共木浪周等四人同為逆雲南省請今秋
進討奉旨不聽既而雲南王與諸王進征至蒲甘喪師
七千餘始平定歲貢方物大德元年緬王遣其子僧加
八的來朝賜王爵印封僧加八的為世子二年雲南省
先遣管竹思加使登籠國其國王遣其舅兀刺合兀都
魯新合二人從管竹思加赴省二月至蒲甘緬王帖減

的令可瓦力引軍登舟縛去兀刺合兀都魯新合劫掠
貢物以去六月管竹思加至太公城緬人阿只不伽闌
等來言舊緬王帖滅的實行劫奪於爾今已去位鄒聶
為王遣我輩召爾議遣人赴朝管竹思加至蒲甘鄒聶
曰帖滅的引八百媳婦軍破我甘當散當只麻刺班羅
等城又劫奪爾登籠國人物爾等回朝不知其故必加
兵於我今帖滅的已廢特差大頭目密得力信者章
者思力三人奉貢入朝又移文雲南省稱木連城土官
阿散哥也皇帝命佩大牌子為官人初實無罪前緬王
欲殺之聖旨令安治僧民前緬王却通叛人八百媳婦
引兵來壞甘當散當只麻刺班羅四族百姓又劫奪
登籠國貢物是故阿散哥也阿刺者僧吉藍僧哥連等
廢前緬王令我為王行省以聞三年八月太公城總管
細豆移文江頭站頭目逮的刺必塞馬加刺吉阿散哥
也兄弟三人領軍三萬謂答麻的徵緬王及其世子曰
自歸大元之後使我多負勞費殺緬王以下世子妻妾

父師臣僕百餘人雲南行省問其持文書來者我文哥
言緬王就弒時謂阿散哥也曰我祖以來不死於刃可
投我水中或縊死遂縊之埋死所屋下七日風雨不止
夢其國人曰吾埋不得其地若焚尸弃骨於水則晴從
之果然我文哥出十餘日又聞世子及逃出次子之母
與父師臣僕與前此隨國信使留緬回回輝和爾漢人
百餘輩皆被害阿散哥也又逼淫新王之母是月緬
王之子古馬刺加失八颺耽入者里及其師來奔陳辭
於雲南省乞復讐大緊謂阿巴民叛緬王乞師朝廷伐
定之叛人怒謂王求軍殺掠我為人奴遂修城聚兵謀
廢其王又僧可遠左右及阿刺者僧吉藍從人相繼從叛
者殺害密里都邦加郎等族王謂其兄阿散哥也可勸
汝兄弟勿爾對曰我說必聽不聽我親伐之王悉以其
民付阿散哥也因此力衆遂生二心王執而囚之僧哥
連等於不甘兩宿吉老亦之地築大城拒守水陸進兵
來逼蒲甘王釋阿散哥也今百官乘象馬從阿散哥也

出見僧哥速僧哥速奪象馬掠百官求錢物燒城池鎖
王足置豕牢中分其妻妾王為皇帝奴冤苦如此望拯
救雲南行省左丞蒙固圖魯默色又上言緬王歸朝十
一年矣未嘗違分今其臣阿散哥也兄弟三人以三罪
加其身置父子縲紲又通新王之母據舊王之妻妾假
三罪皆實亦當奏從朝廷區處乃敢擅禮廢之豈有此
理今其子來求救且小甸叛人劫虜官民尚且赴救答
麻刺的微王乃上命為國主叛臣囚之豈可不救抑使
外國效尤為亂將致大患行省以聞已而又聞新主亦
被弑阿散哥也篡立九月中書聞於上上曰蒙固圖魯
默色之言是也速議奏行十一月阿刺哥也犯邊攻阿
真谷馬來城拒太公城二十里駐兵尋退四年正月召
蒙固圖魯默色赴闕議兵事五月故緬王婿馬來城土
官納速刺上言大德元年朝廷遣尚書嘉琿岱伴送世
子僧加八的還國國王集衆聽詔惟阿刺者僧吉藍僧
哥速不至二年二月二人興兵叛來駐蒲甘近境王亦

整兵諭叛賊之兄阿刺哥也曰尔二弟不聽詔又敢為亂尔令退兵從命則已否則尔同謀阿刺哥也諭之
不從王遂囚阿刺哥也二人引兵逼城王遣納速刺等
出戰納速刺敗被擒王令國中諸僧出謂二人曰毋徒
苦百姓尔欲害我乎若無此心當釋尔兄復乃職否則
明以告我阿散哥也及二弟皆曰王是我主豈有異心
如不信請入大寺為重誓從之誓畢釋之賊退納速刺
亦得歸至五月三人合兵攻蒲甘執及世子僧加八小
的次子朝乞力朝普因於木連城凡十又一月三年四
月十日阿刺哥也令弟阿難答速弒緬王并二子餘子
康吉弄古馬刺加失巴遁去放世子於蒲甘而奪其妻
又分擄王妻妾共立王孽弟鄒聶方十六歲誅不附已
者十二月又攻破阿真國馬來兩城納速刺逃來正月
十五日中書樞密奏征緬事蒙固圖魯默色請用六千
人臣等謂緬與八百媳婦通好力大非一萬人不可奉
旨所擬猶少可增為一萬二千人又奏蒙固圖魯默色

乞與色辰額埒劉都元帥德祿同事及求雲南土官高
阿康從軍又請命親王庫庫監軍以振兵威皆從之上
曰庫庫雖去勿令預事四年閏八月雲南平章政事奇
察古爾蒙郭德勒默色等發軍中慶斯至大理西永昌
騰衝會集十月入緬十二月五日至馬來城大會十五
日至阿散哥也兄弟三人所守木連三城相接賊出戰
敗之賊閉門拒守蒙固圖嚙默色劉左丞據城東北面
色辰額埒高阿康參政據西面正南無軍守之賊日出
戰城內四面立三梢單梢砲向外攻擊官軍尋立排沙
圍其城五年正月分軍破其石山寨又召白衣催糧軍
二千助圍其城南十九日城上發矢石擣木殺官軍五
百餘人二月二日阿散哥也令十餘人呼曰我非叛人
乃是皇帝良民以緬王作違理三事我等收之彼自飲
藥而死非我等殺之我等蒙古人無甚作惡若許我投
降省官鑒之賊遂使人持金銀禮物出見省官諭賊三
人親出方可不然難信若一年不出我軍亦住一年賊

竟不肯親出二十七日萬戶扎延徹爾等狀陳天熱瘴發軍勞若不還實懼死傷獲罪若令我等住夏瘴死不如赴上前就死若明白有旨孰敢不住在法口傳聖旨勿行我等今當迴軍二十八日分省官方議軍事扎延徹爾等俱領軍起營回二十九日分省官亦回三月五日阿占國城追及扎延徹爾等蒙固圖嚕默色移文稱大軍未成豈可回軍若爾等果不肯住可留一半軍或三千當職當住夏守賊平章色辰額埒劉左丞高參政皆言平章可住我輩亦可住我輩皆願住夏徧告軍官俱令住夏是日新王之母乘象追及分省官訴賊拘我於木連城今始放出若大軍五日不迴必出降惜乎回早扎延徹爾等宣言病軍皆已先行我等明日亦去無可議者分省官命追回先行軍皆言去已遠何可及次日將校皆回分省官亦由蒙來路歸色辰額埒蒙固圖嚕默色上言賊兵困屈旦夕出降參政高阿康土官察罕巴哈軍官扎延徹爾等同稱軍多病不可住擬合

回軍下令留之不聽恃親典兵權引軍而回彼既行矣
分省亦不能住又言朝廷所立緬王已送至其父舊所
居城中報賊脅從者已少皆從我矣若可住當遣人再
報若不可住我亦走出又言賊饋阿康酒食阿康受之
疑是贗貨又軍回五程阿康出銀三千兩曰此阿散哥
也賂衆將校者色辰額埒等言此銀爾實受之我輩未
嘗知也欲與諸將尔自處之蓋因阿康與察罕巴哈等
預此行故功不成乞置對以懲後八月八日丞相諤勒哲
等奏奉旨遣河南平章政事扎延徹爾蒙固圖嚕默色左丞
自宗王庫庫平章政事扎延徹爾蒙固圖嚕默色左丞
劉德祿參知政事高阿康下至一二大將校幕官令史
皆受賂賂瓜難已至兵中復縱之共為金八百餘兩銀
二千二百餘兩遂不能號令偏裨阿康因與察罕巴哈
謀令諸將抗言不能住夏壇回阿康察罕巴哈伏誅蒙
固圖嚕默色前死扎延徹爾劉德祿遇赦皆追奪宣勅
永不叙用蒙固圖嚕默色子不得廕首沮軍事萬戶耀

克呼圖魯布丹千戶托克托穆爾真決有差皆奪所居官籍
其家產之半餘將校各以輕重被笞察罕巴哈者麗江
路軍民宣撫使也

占城

占城初嘗奉表來降至元十九年以執國使興師問罪
二十年正月破其木城洎大州其主孛魯由補剌者吾
遁走其舅寶脫禿花陽求降附以款我師陰為戰既往
返再三辭語支蔓總兵官索多竟不之覺及得曾延之
報始疑信相半而已墮其術中幾陷偏師嗚呼鄙夷亦

多詐哉二十一年之征則以安南道阻不果語在安南

事中

至元十五年左丞索多以宋平因遣人至占城還言其王失里咱牙信合八刺麻哈迭瓦有內附意

奏之詔降虎符授榮祿大夫封占城郡王十六年十二月遣兵部侍郎嘉琿達總管孟慶元萬戶孫勝夫與索多使占城諭其王入朝十七年二月占城國王保寶旦拏囉耶叩南設占把地羅耶遣使貢方物奉表降十九年十月征占城初朝廷以占城國主字由補刺者吾曩歲遣使來廷稱臣內屬謂其誠服遂命左丞索多等就其地立省以撫安之既而其子補的專國負固弗率萬戶何子志千戶皇甫傑使還國宣慰使尤永賢亞蘭等使馬八兒國舟經占城海道皆被執故征之上曰老王無罪逆令者乃其子與一蠻人耳苟獲此兩人百姓當依曹彬故事不戮一人十一月占城行省官率兵自廣州航海二十九日師次占城港港口埧連海旁有小港

五通其國大州東南止山西旁木城官軍依海岸屯駐
占城兵自三十日為始治木城四面約二十餘里起樓
柵立回回三梢砲百餘座又木城西十里建行宮宇由
補刺者吾親率大兵屯守應援行省遣都鎮撫李天祐
總把賈南招之士往終不服十二月十八日占城貼書
刻期請戰二十年正月行省傳令軍中以十五日夜半
發船攻城至期分遣瓊州安撫使陳中達總管劉金總
把栗全以兵一千六百人總由水路攻木城吐面總把
張斌百戶趙達以三百人攻東面沙觥省官二千八分
二道攻南面舟行至天明泊岸為風濤所碎者十七八
賊開木城南門建旗鼓出萬餘人乘象者數十亦分三
隊迎敵矢石交下自卯至午賊敗吐官軍入木城復與
東吐二軍合擊之殺溺死各數千人守城供餉餽者數
萬人悉潰散國主棄行宮毀倉廩殺永賢亞蘭等與其
臣逃入山十七日整兵攻大州十九日國主使報答者
來求降二十日兵至大州東南遣報答者回許其降免

罪二十一日入大州尋又遣博恩兀魯班者來言奉王命來降國主太子後當自來行省傳檄召之我師復駐

城外二十三日遣其舅寶脫秃花等三十餘人奉國主信物雜布二百疋大銀三定小銀五十七定碎銀一甕為贄歸款又獻金葉九節標鎗曰國主欲來病未能進先使持其槍來以見誠意長子補的期三日請見省官却其物寶脫秃花曰不受是薄之也行省度不可却姑令收置聽候上聞二十九日寶脫秃花復令其主第四子利世麻八都八德刺第五子利世印德刺來見且言先有兵十萬故求戰今皆敗散聞敗兵言補的被傷已死國主頗中箭今小愈愧懼未能見也故先遣二子來議赴闕進見之事行省官疑其非真子不之質聽其還諭國主早降且以問疾為辭遣千戶林子全總把李德堅粟全偕往覘之三十日二子在途先歸子全等入山兩程國主遣人來拒不果見寶脫秃花謂子全曰國主遷延不肯出降今反揚言欲殺我可歸告省官來則來

不來我當執以往見子全等回營是日又殺何子志皇
甫傑等百餘人二月八日寶脫禿花又至自言吾
祖父伯叔前皆為國主至吾兄今李由補刺者吾殺而
奪其位斬我左右二大指我實銜之願禽李由補刺者
吾補德父子及太拔撒機兒以獻請給大元服色行省
賜衣冠撫諭以行十三日居占城唐人曾延等來言國
主逃于大州鴉候山聚兵三千餘并招集他郡兵未至
百日將與官軍交戰懼唐人泄其事將盡殺之延等覺
而逃來十五日寶脫禿花偕宰相保孫達兒及撒及等
五人來降行省官引曾延等見寶脫禿花誥之曰延等
姦細人也請繫縲之國主軍皆潰散安敢復戰又言今
未附州郡凡十二處每州遣一人招之舊州水路乞行
省與陳安撫及寶脫禿花各遣一人乘舟招諭攻取陸
路則乞行省官陳安撫與已往禽者國主補的及攻其
城行省猶信其言調兵一千屯半山塔遣子全德堅領
軍百人與寶脫禿花同赴大州進討約有急則報半山

軍子全等比至城西寶脫禿花背約間行自北門乘象
遁入山官軍獲諜者曰國主實在鴉候山立砦聚兵約
二萬餘遣使交趾真臘閣婆等國借兵及徵兵多龍舊
州等軍未至十六日遣萬戶張顥等領兵赴國主所棲
之境十九日顥等近水城二十里賊浚濠塹拒以大木
我軍斬刈超距奮擊破其二千餘衆轉戰至木城下山
林阻隘不能進賊旁出截歸路軍皆殊死戰遂得解還
營行省遂整軍聚糧初木城遣總管劉金千戶劉涓岳
榮守禦三月六日索多領軍回十五日江淮省所遣助
索多軍萬戶呼圖克等至占城索多舊制行省舒眉蓮
港見營舍燒盡始知官軍已回二十日呼圖克令百戶
陳奎招其國主來降二十七日占城主遣陳通事者來
稱納降呼圖克等諭令其父子奉表進獻國主遣文勞
印大巴南等來稱索多除蕩國貧無進物來年多備禮
物令嫡子入朝四月十二日國主令其孫濟目理勒螯
文勞印大巴南等奉表歸款二十一年命平章阿爾哈

雅奉鎮南王托歡發兵假
道交趾伐占城不果進

海外諸蕃

海外諸蕃見於征伐者惟瓜哇之役為大會三行省兵
二萬設左右軍都元帥府二征行上萬戶府四發舟千
艘費鈔四萬定賁一年糧降虎符十金符四十銀符百
金衣段百端備賞往返八閱月瓜哇降而復叛伐葛郎
得其妻子官屬百餘人而還其餘遜答流求三嶼俱藍
馬八兒那旺蘇木都刺蘇木達也里可溫木連蠻須門

那僧急里南無力馬闌丹丁阿兒來來急闌亦台進麻里予兒阿昔之屬又皆瑣瑣者其至也或遣使招來或遣人入貢不皆以兵下

瓜哇

至元二十九年二月八日詔福建行省授伊克默色史弼高興為平章政事征瓜哇軍二萬海舟千艘給一年糧二十五日伊克默色等陛辭上曰卿等至瓜哇明告其國軍民朝廷初與瓜哇通使往來交好後刺詔使孟右丞之面以此進討九月軍會慶元弼伊克默色領省事赴泉州興率軍輜自慶元登舟涉海十一月福建江西湖廣三省軍會泉州十二月十四日自後者啓行三十年正月十八日至拘攔山議方畧二月六日伊克默

色孫參政先領本省幕官并招諭瓜哇等處宣慰司官
曲哈雅楊梓全忠祖萬戶張塔刺齊等五百餘人船十
艘往招諭議定後七日大軍繼進于吉利門相候十三
日弼興進至瓜哇之杜並定與伊克默色等議分軍上
岸水陸並進弼興與孫參政帥都元帥諾哈萬戶寧居仁
等水軍自杜並足由戎牙港口至八節澗興與伊克默
色都元帥鄭鎮國萬戶托歡等馬步軍自杜並足陸行
以萬戶申元為前鋒遣副元帥圖古德埒克萬戶褚懷
遠李忠等乘鎖風船由戎牙路於麻喏巴歇浮梁前進
赴八節澗期會二十一日招諭瓜哇宣撫司言瓜哇王
土罕必閣耶舉國納降土罕必閣耶不能離軍先令楊
梓甘珠爾布哈全忠祖引其宰相昔刺難答吒耶等五十
餘人迎三月一日會軍八節澗澗上接杜馬班王府下
通蒲奔大海乃瓜哇咽喉必爭之地又其謀臣希寧官
沿河泊舟觀望成敗再三招諭不降行省於澗邊設偃
月營留萬戶王天祥守河津圖古德埒克李忠等領水軍

鄭鎮國省都鎮撫倫信等領馬步軍隨省水陸並進希
寧官懼棄船宵遁獲鬼頭大船百餘艘令諾哈居仁萬
戶鄭珪高德誠張受等鎮八節澗海口大軍方進土罕
必閣耶使來告葛郎王追殺至麻喏巴歇請官軍挾援
伊克默色張參政先往安慰土罕必閣耶鄭鎮國引軍
赴章孤接援興進至麻喏巴歇却稱葛郎兵未知遠近
興回八節澗伊赫默色尋報賊兵今夜當至召興赴麻
喏巴歇七日葛郎兵三路攻土罕必閣耶八日伊赫默
色孫參政率萬戶李明迎賊於西南不遇興與托歡由
東南路與賊戰殺數百人餘奔潰山谷午時西南路賊
又至興再戰至晡又敗之十五日分軍三道伐葛郎期
十九日會荅哈聽砲聲接戰圖古德埒克等水軍沂河而
上伊克默色等由西南興等自東道進土罕必閣耶軍
繼其後十九日至荅哈葛郎國主以兵十餘萬交戰自
卯至未連三戰賊敗奔潰擁入河死者數萬人殺五千
餘級國主入內城拒守官軍圍之且招其降戌時國主

哈只葛當出降撫諭令還四月二日遣土罕必闊耶還其地具入貢禮以萬戶鴛珠卜丹甘珠爾布哈率兵二百護送十九日土罕必闊耶皆叛逃去留軍拒戰鴛珠卜丹甘珠爾布哈皆遇害二十四日軍還得哈只葛當妻子官屬百餘人及地圖戶籍所上金字表

平都爾蘇

天曆元年九月壬申今上皇帝即大位詔天下其節文曰洪惟我太祖皇帝肇造區夏世祖皇帝混一海宇爰立定制以一統緒宗親各授分地勿敢妄生覬覦此不易之成規萬世所共守者也世祖皇帝之後成宗皇帝

武宗皇帝仁宗皇帝英宗皇帝以公天下之心以次相傳宗王貴戚咸遵祖訓至於晉邸具有盟書願守藩服而與賊臣特克實額森特穆爾等潛通陰謀冒于寶位使英皇不幸罹于大故朕兄弟播越南北備歷艱險臨御之事豈獲與聞朕以叔父之故順承惟謹于今六年災異迭見權臣都爾蘇卜都拉等專擅自用疏遠勲舊廢棄忠良變亂祖宗法度空府庫以私其黨類大行上賓利於立幼顯握國柄用成其姦明詔既下於是都爾

蘇之罪暴於縣宇中外同心奮勇敢愾卒致乾坤清夷
歸聖神聖宗社奠安四海樂業是編自八月甲申今太
師中書右丞相臣雅克特穆爾舉義至十月庚戌齊王臣
伊魯特穆爾奉上寶璽大臣奏散遣諸軍以至都爾蘇
棄市三閱月之間致天下晏然者悉具簡冊焉

招捕

真聖樹業中天下以家迄天武不涉斯生蘖芽要荒四
履六詔遐邇闡廣播恩兩江海涯遼霄江右嶺蜀木波

番分龍盧

自此下皆一字種名

黎別生熟撞爨驃蒲徭芒斐姑

八餘

切落落顧顧綿綿羅羅

此疊字名綿綿則村名用以足句羅羅羅羅斯也

白衣

金齒漆頭花角八百妾御七十閨閣

音奢此以其服飾及所有為種名者

八百媳婦七十城門皆國名

甸砦團洞箐柵墟畬岳盤川屋激駛谿

研山經叵究豎亥斯差

此下一字地名也

廣瑤縹慶

甸名

兼我凍

斜山白幫上束

團名

齒判粘凹

村名

頻計淥在影雷窖瓢木

茶洞睢曠之州洒涌之社琅詡之潭嚙聳之坡

此下皆二字地

名此其尤奇者也

肥昌瓦農獲架必迦苴善抽俸矣比枯柯車

里烏撒蹉尋泥窩散毛爛土雍真淥查林背嶺豚那結都

渦杜望杜暮白定白奢大踢青特筠連豕鷩赤珊藍塞

鬼骨果夥狰猛甕省騰串昔霞曰九層際

此下三字地名

曰新

而元曰伽矣傑曰百眼佐曰水手浪曰上落麼師宗彌

勃

此下四字地名

阿尼必解一奚卜薛阿白出麻獾狃狃狃八

郎篤公吸刺豁瞳客客昔多夷生其中自為雄夸火頭

大老

此下皆酋長位名

把事希古軍火營主山主尊長族種謬

悠氏名聾牙提呂摩耳

此下二字人名

訇思阿禾雄挫渾美矣

豆者哦雙采拜法的井荅麪个忙尼鴈莽占居些谷納
刺構阿葵胡美芬采只驗娘報竹哥細麥嬰上亞浪落
麼蒙毳空弟羅勾非白阿氈卧踏委界勾巴合彪鮮的
官堯心拑瓦英厭薛甲古阿娥若過生琮此下三名若大
希婆若夢兀仲若渾乞濫若約薛要若阿慝瓜若卜制
頭若閉羅蠻若天程猱若思蓬怯若勸權吉若黃公麥
若獨然棚若大河沙必乖豆來此下四名蒲雪常吠麻納
布昌玉不廡古六分靳斤蘆崩信備荅是什用喉社句

耶山公氏真

此下四句著夷姓異

的傍系猫古綴派盤窮腸譜陀

貞公猫的傍盤古綴陀窮腸

健婦作配匪婉婉娃阿衣納衣

此下二字婦人

名折射折利阿初蛇節攬陶蘇他有忙葛農

此下三字婦人名

有梳蠻塔有南貢弄率烝報窻嬰

上於加切下苦加切韵釋女作姿態貌今

中原方言為婦人狠惡之稱

融結之左生息之野風氣不淑習俗異

華故雖橫目以生悉獷黠竒衰不有天彛國憲謂何骨

肉睚眦閱爭紛拏重譯之言馱舌譖訖

上涉加切下文加切

喜人

怒獸含戴則那製衣不領不巾以靴裂綵纏髀椎結髻

髣起居佩刀少忤輒相加或嘯徒復讐螫觸閔蝸或出
犯徼地為王民孽痾焚劫公私脫囚拳初邊吏捕之則
螳螂奮斧以禦車標槍批竹矢毒如蛇敗則各為獸散
入險阻隈阿貢鋤坐草軍圍戶懷木狀益鱗魚糧虵俗作

貳

鏟

自貢鋤以下
事詳見後

禽獸畜之朝不見譴訶或畧誅弗雉

猶以兵戈草面而來羈縻撫錫賚冠服銅印青綬粵若
妖民造異興訛妄竊位號自投網罟黃華獠狂黎德蛟
譁六十鳴梟五九跳蠅聖許萬頃鎮龍郎達圓明廣德

細春可用魚鼎紀號鼠穴正衙

劉六十蔡五九黃聖許李萬頃楊鎮龍常郎達

黃廣德丘細春杜可用圓明和尚皆嘗僭號改元建朝殿懸闕牌事亦見于後

坐止其身族鄙

宥赦

叶平聲

惻不盡戮視同殺戮於乎我元王政無頗文柔

武競互出兼施

叶疎何切

威聲其訇流澤滂沱會粹諸畢為

招捕之科雲南

至元十三年正月羅甸官未者阿禾必紹降十月雲南省調蒙古蠻焚諸軍

征白衣和泥一百九砦土官甸思叛溪等七溪等降得戶四萬又攻金齒落落廣甸瑤甸殺掠甚多又攻斜烏

蒙禿老蠻高州筠連等州十九處烏蒙阿謀歸舊侵勝串縣地是月與安南鄰者七十城門國主答公遣其入

名摩耳者來乞降又提呂提邦兩部來降飢行省發廩賑之未幾提呂子達量為提索所禽行省給榜招提索

及使釋達量提索聽命二十三年蒙乃土官長子殆昔
其鄰境土官弗里皮之婿也蒙乃不以位與長子而與
次子弗里皮與殆昔同出討之朝廷降旨諭弗里皮如
得蒙乃地許令其婿統之是歲又征經甸大部馬二十
四年十月木龍蠻奴他謀告阿勒沙村阿加之子明日
引軍殺死凹村頭目刺些雲南省下麗江路軍民宣撫
司明日出見雲南王免其罪是年雲南右丞阿魯以蒙
古軍一千師宗孫勒寸白軍一千農士富民丁三千征
維摩蠻者我滅鉄赤必匝尋出降三十年八月雲南省
征習普蠻阿浪普龍華札山些賊土官生皆破之火頭
董逃者追普安路管步木普丁府嶠峨頭目矣豆等賣
榜招出是歲七十城門蠻密察挾仇殺掠大甸土官阿
鄰繼遣其弟牟平來侵阿鄰逃入臨安路納樓建水城
避之行省不能救又參省阿叔招捕花角蠻蠻恃險率
衆拒敵殺令史一人裨將十五人元貞元年九月習普
馬兒等犯邊雲南省招出習普昵昌等八砦蠻及馬兒

部下舊解舊龍二砦蠻官的井的探等有必乖豆來者不肯降殺的井從者二人的井等懼不敢出官二年九月蒙光路軍民總管答赧乞藍的頭目答刺吉瓦農開陽兩寨自來不曾投降雲南省差道奴攻破之十一月車里蠻軍弄興兵占奪甸砦十又三所結構八百媳婦蠻欲攻倒龍等雲南省遣兵招捕大德元年十二月雲南省參政呼都拉攻破花角蠻等寨其酋長韋郎遁走初廣南西道宣慰使兼知特磨道事農士富上言安寧州沈法昔招引唐興州黃夢祥深碎縣林言與花角蠻圍士富所居殺掠奪虎符執其子信以去又攻其戎州隘岸百姓既而又言夢祥結睦州岑聰引歸仁州歸洛州上降州利州軍四千人燒劫羅佐州官農郎生所轄那悶村及那寡州南村魯谷村付州那羅村又奪其那環射隘剝笋羅波射布那哈那等十村行省覲知花角蠻去特磨四日程安寧州七日程唐興州睦州皆八日程十月三日呼都拉進討十二月七日過昔陽江

經杜箐九日至花角蠻木箐破之十二日攻其正砦
第一門賊敗奪門蓋其砦十二重也十四日分九道進
攻自辰鏖戰節次攻破其門日暮入砦賊散走蠻酋韋
郎達不知所所在韋郎自國家開拓以來不曾降附至元
二十七年阿叔招之不服迎敵官軍失利以此狂縱僭
稱大號以妹夫郎滿為平章其餘有萬戶等官至是始
敗尋又破其卒羅磨誠獲架哥雅木箕等砦招出韋郎
達婦翁繼村火頭普及把事希古竹幹哥雅砦火頭郎
滿及其弟郎狀郎滿韋郎達之婿也稱韋郎達就陣中
傷敗走不知存亡又攻撒都砦其火頭郎圖希古郎甚
出降及羅共砦火頭貌幹希古都鷄常郎達弟常郎勒
子常郎應把事希古通幹知幹不弄砦火頭郎勒皆出
降移軍攻安寧州沈法昔降移攻夢祥敗之棄砦走七
年春永寧路阿永蠻雄挫反初雲南四川陝西湖廣四
省會兵討順元羅鬼烏撒烏蒙東川芒部叛雄蠻挫匿
順元蛇節賊黨阿趨及其妻折躬折利并芒部蠻納即

弟卧踏事覺遂與把事阿都阿年等以二月二十一日
於赤水河作亂殺永寧府判官常珪行省宣慰使南家台
千戶巴爾實保拒暮暉關三月一日官軍過關蠻拒戰阿
都死獲其金帛甲錢子槍賊退走自是連日轉戰自暮
暉至普市關九戰殺蠻三百餘破海落越寨二洞阿年
亦死行省以天熱班師扼其魚槽長寧軍梅嶺等關聞
于朝以為雄挫東接羅鬼西鄰芒部南近烏撒姻親相
結滋蔓力強合以十月初雲南省軍入進暮暉湖廣軍
自播州打鼓寨會寧鎮進入蠻地蘭州四川省軍自魚
槽長寧進討十一月一日會于赤水河雄挫巢穴從之
閏五月軍中遣永寧同知蔡閏行省左右司員外郎賈
保齊等招雄挫雄挫遣阿加阿抱出降稱病不出又令
其屬委界入朝罕相奏雄挫不至乞再伐之雄挫乞以
十二月八日狗日出見八年五月赴闕原其罪仍充土
官遣還九年羅雄州軍火主阿邦龍少麻納布昌結廣
西路豆温阿匡普安路營主普勒下軍火頭阿只阿為

及亦左鄉阿甫等叛燒他羅迷驛左謫軍火主有軍三
園子普安路有軍六園子降旨招諭仍督兵進討阿邦
龍少拒遠雄山官軍進攻虜阿那勇古谷等阿非阿樓
阿邦龍少子龍豆智降豆溫賊阿匡與弟阿思火頭者
哇亦降連戰敗之獲阿邦龍少追麻納布昌不得十一
年阿迷土官日直火頭抽首領落落軍劫焚人奪官馬
以叛又納樓茶甸土官師禾希古阿夷落圭阿立甸必
信怪齒村火頭阿則判村火頭阿提納填村火頭身和
直善村火頭阿次虧抽俸村火頭雙朶嵩村火頭咱休
菁笠鄉火頭阿豆加突傑村火頭阿主矣吐村火頭抽
皆床村火頭遮奴元江路日納村火頭個忙忙部火頭
虧抽維摩州上官者歐茅者文大布婆等並起應之官
軍尋皆討定至大元年教合三部步少來龍砦火頭漸
恐等反遣本部達魯噶齊阿魯招諭不服賊黨答掛殺
阿里官軍破其巢斬漸恐答掛梟其首延祐七年七月
花角蠻常郎達糾合五十三村山獠起兵萬餘劫阿用

村呼其人曰爾急來降我即退兵爾之皇帝甚遠我亦
作帝甚近若不降我必屠爾若火頭農郎勝等降賊行省
遣官招諭九月永寧路曲村頭目和俄等擅兵劫掠殺
渠津州吏目李榮貴奪農渠州同知勅牒行省遣官招
諭至治元年十月八日農渠州知州刺俄殺其兄刺初
癸丑歲刺秋祖刺都降附雲南行省定立州縣令刺秋
父刺陶作土官充農渠州知州後刺秋伯父刺落襲職
尋為火頭木落所殺刺落子刺定幼小依其舅子合住
居綿綿村因持刺陶刺落宣命及州印以去刺俄謂已
當襲職二次訴于雲南省捕子合刺定不獲刺俄以計
誘刺秋赴破寺村潛于道彎弓射之中左目墜馬又斫
左額一刀刺秋死俄集衆依摩些俗殺馬牛各一焚刺
秋屍明日逼其嫂梳蠻塔為妻及占奪刺秋所部百姓
梳蠻塔父刺資來取其女刺俄欲殺之刺資懼逃去柏
興府二年正月二十八日刺俄兄刺定自綿綿村與子
合起兵奪刺俄刺地如山砦刺我糾合頭目子首居砦

等合兵射死刺定復奪砦本州官往招之刺俄拒砦遙
謂曰父祖宣命俱在子合處又藏印不與爾客官行用
我兄弟自相仇殺爭奪山砦不關爾番漢官事梳蠻塔
係我嫂我殺兄刺定刺秋故以嫂為妻我出官爾欲何
說再三招諭不敢出官行省乞以一千人討之樞密院
不聽咨本省招諭二十年四月馬龍鄉蠻普萬作亂初
普萬父哥祛馬龍他郎甸人也任普日思摩甸長官致
仕長男普奴承廕父子皆居木用村普萬乃次子憤不
得立與哥祛婿抽丑孫婿阿運結蒙古逃軍白夷顧
等人攻燒木用甸民獲哥祛逃出普萬殺哥祛弟阿
笠弟子阿占婿可當等劫掠百姓求哥祛欲殺之行省
委官招諭十二月蒙化州蘭神場落落磨察火頭過
生琮結慶甸蒲火頭阿你通起蒲軍二千五百磨察軍
五百結鎮南州定遠縣當布戶計羅黑加等殺九十九
人虜男女百餘人行省招諭泰定二年開南州阿都
刺火頭大阿哀引車理陶刺孟等萬餘人圍刺砦攻破

十四處木邦路土官八廟等領白衣軍攻破倒八漢砦
朝廷遣幹尔端等持詔招大小車里居里寒賽子尼鴈
構木子刀大理金齒至元七年征金齒驃國五部未降
零出降者破其二部餘三百酋長阿愿福

勤丁阿愿瓜降獻馬象二十四年金齒孟定甸官俺嫂
孟纏甸官阿受夫魯砦官木拜共率民二萬五千來降
又林場蒲人阿禮阿憐叔阿郎及阿蒙子雄黑皆為行
省招出阿禮歲承差發鉄鋤六百雄黑布三百疋二十
九年木忽甸土官忽都馬遣其子阿魯進金索鱗膽
衣虎豹皮詣闕朝見三十年正月遣使持詔招漆頭金
齒延祐五年永昌南窩蒲賊阿都衆阿良等作亂燒
劫百姓殺鎮將奪驛馬雲南省遣參政汪申奉右丞多
爾濟討之自八月至明年五月破其寨柵殺人甚衆賊
走入菁阿樓艮降餘不可得以天熱回軍其枯柯甸枯
甸慶甸等皆降願歲納貳千索至治元年七月怒謀
甸主管故侵芒施路魯來等砦燒百四十一村殺提控

按牘一人有司奉詔書開讀招諭管故不跪聽亦不出
降二年鎮西路大甸火頭阿吾與三陣作亂奪不領雷
弄二若初三陣父阿蘭為鎮西總管叛要斬其弟你谷
南赴闕貢獻得襲職你谷南死子解朶襲位三陣使少
頭倒緬招思二人見解求朶少土地人民不予遂投阿
吾訴之共作亂詔使往諭迎至一樓上樓下周圍懸人
首聽詔畢阿吾怒曰反陣吾孫也吾破不嶺寨殺傷甚
衆虜五十人破雷弄甸燒四百餘戶管別峇懼而降我
我遷其民二百五十家于我弟拜法若中不願虜人所
其族各以銀三兩贖一入盡贖去訖今官招諭我終不
出亦不受榜所奪地亦不回付須與之相殺南甸路木
甸火頭解院先奪羅左甸火頭阿賽妻阿衣為妻取之
不肯與又奪阿賽弟莽占妻納衣妻其子阿你阿羅羅
賽怒使莽古領兵三百遣奪其妻不得燒解院峇
斯至元十五年定昌路總管谷納叛遷入八只巴峇為
賊八剌即安古馬楊古剌乞剌蒲等皆應之毀橋梁

取倉粟奪驛馬及屯田

車里

大德二年三月小車里結

牛明年官軍擊谷斬通

數遣使奉詔招之不聽命延祐三年車里兀竹魯侵阿

尼必觸砮阿白出麻砮燒劫又罕旺及其弟胡念弟愛

俄等侵銀沙羅甸兀里鹽井陪日女具落索等甸劫民

財赫取官所徵差發使招遣降遣白衣阿愛詐為已子

出官劫掠如故既而愛俄死其兄弟子侄罕塞昭愛刺

搆木力夢兀仲等五人分黨爭愛俄位相殺久之遣火

頭郭力者賣象牙烏撒烏蒙東川芒部

大金信花一來降

百媳婦微順元遞運入馬土官宋隆濟蛇節等拒命作

亂朝廷起湖廣湖南四川三省兵與田楊二氏軍馬會

雲南省兵收捕于是烏撒土官宣慰使普利總管那由

與東川芒部乘釁俱叛其接羅羅斯及武定威楚曲靖

仁德普安臨安廣西諸土族皆以朝廷遠征供輸煩勞

為辭携貳反形已具車里白衣八里日等殺掠普騰江

尾二旬奪麥亢忙龍二砦燒忙陽等二十四砦楊言我
與呂也構思麻部日共議渾侯連漢桑軍來攻普騰砦
柵二月五日梁王出駐陸梁州六日烏撒蠻阿都普信
及烏蒙蠻阿貴阿察都等殺掠皇太后及梁王位下人
畜十一日却芒部官吏商旅貨財烏撒宣慰使僧家奴
逃入中慶十五日東川土官阿葵烏撒逃來陸梁州依
梁王城阿車阿苗分軍二道欲執宣慰使阿呼台約日
由落吉渡口會阿乃普吉烏蒙軍先攻阿都百姓次攻
逢昌燒烏蒙總管解舍十七日烏撒蠻犯曲靖霑益州
燒蕩垣驛殺掠駐兵關渡橋二十日烏撒烏蒙東川馬
湖四族聚衆四千復起羅羅斯軍渡金沙江刻日攻建
昌三月六日賊逼雅州邛部州甚急陝西省遣右丞托
歡禦之八日奉旨伊蘇岱爾充陝西省平章政事汪阿
都齊充參知政事伊蘇呼都魯充湖廣參政與平章劉
二巴圖等進征叛蠻哥爾濟蘇為湖廣平章與左丞薩
克岱陝西楊參政給軍凡有軍事聽伊蘇岱爾劉二巴

圖兩人節制異小有增損軍馬支結錢糧並便宜行事
四月二日那由普利逼烏撒烏蒙宣慰使兼管軍萬戶
阿都合奔城去時陝西調軍二千人會合收捕三百人
守播州小溪以遏烏撒蠻充斥之路雲南省調軍三千
人屯陸梁州五百人駐西曲靖東望水西一千人於霑
益州接烏撒地要害鎮守二千人護中慶而梁王又有
兵五千八劉二巴圖劉深田楊等兵方捕斬順元叛蠻
未能會合伊蕪岱爾與雲南兵共進悉次第討平之
八百媳婦大德元年八百媳婦國與胡弄攻胡倫又侵
往救二年與八百媳婦國為小車里胡弄所誘以兵五
萬與夢胡龍甸土官及大車里胡念之子漢綱爭地相
殺又令其部曲混干以十萬人侵蒙樣等雲南省乞以
二萬人征之四年梁王上言請自討賊朝議調湖廣江
西河南陝西浙江五省軍二萬人命前荆湖占城行省
左丞劉深等率以征既而道經順元土官宋隆濟作亂

道路不通官軍死傷深領軍回不果征至大四年雲南省言八百媳婦大小半里作亂蒲蠻阿婁銀僭平章都元帥七十城門土官緬察犯臨安建水普定路土官的謀害遷調官吏似此蜂起數年不息乞進討朝廷命貴詔召之皇慶二年雲南省命解難甸達魯噶齊帕哈哩迪音等領元招出八百媳婦部曲乃愛乃溫官哀官吾恰尼哀當吾化兒阿吾阿散阿哀等往其地延祐元年正月至其境木肯寨其蠻酋渾乞濫婁南貢弄使火頭乃要前來迎詔至砦立柵圍使者問來故答之又曰貴來聖旨有何說使者言未開讀不敢言俟見渾乞濫言之乃要還報既又來致南貢弄之言曰使臣有何說可告我前此使者止至我砦即回帕哈哩鼎等不可二月十三日渾乞濫男南通來見使者言行省先遣胡知事招尔等尔等遣乃愛等出降故聖旨令遣我輩來詔尔父子南通曰我等非降也胡知事言尔朝廷地濶軍多故使家中一二人從胡知事往觀之耳明日南通遣乃要

來言胡知事來時與我衣服鞍馬今尔等所有馬可盡
牽來言訖一與牽去明日又來取去衣服既而渾乞濫
遣火頭南忽來曰可令使臣來見我三月十七日帕哈
哩鼎等至合三砦與渾乞濫相見宣詔明日渾乞濫令
使者送其子南通往孟范旬把邊可就觀我地境使者
不從曰若不觀我地土歸朝何以復命使者從之至孟
范別有生蠻比要與南叔父力乞倫來侵南通言使者
不可不助我使者從南通至木丙山拒敵比要聞有詔
使遂退還至孟范使者欲返南通曰天熱水漲秋涼令
尔回八月終始得出九月四日至渾乞濫砦渾乞濫手
書白夷字奏章獻二象令其部曲渾乞濫八番順元諸
渾八刺我董賽愛章闌等隨使者赴闕
蠻又名一奚不薛至元十五年羅殿國主羅阿察河中
府方蕃主常昌盛皆納土來降十六年三月西南八
番等國卧龍蕃主龍昌寧大龍蕃主龍延三小龍蕃主
龍延萬武盛軍蕃主程延隨過蠻軍蕃主龍羅篤太平

蕃主石延異永盛軍蕃主洪延暢靜海軍盧蕃主盧延陵皆來降其部曲有龍文貌龍章珍黃延顯盧文錦龍延細延回龍四海龍助法龍才零龍文求等朝廷立八蕃宣慰使司司官赴鎮十一月廿一日至新添遣千戶張旺招羅民國惟賀宗一寨投降餘皆迎敵旺殺散二十七日至羅崩寨賊又連日與總管王采戰皆披甲戴紅氍帽采遇害二十九日又戰于大吳十二月一日司官至蕃中呼集土蕃主以四日集卧龍蕃受宣命至期俱來惟盧蕃諸盧延陵為羅氏國主阿察引軍至大吳西胡迷使趙木納來執去我肯令出降阿察初已納款後與鬼國結婚鬼國言彼未降尔奈何先降羅氏遂敗虎符以叛羅氏又名羅殿事聞十七年四川蠻呂告部主阿濟上言乞招阿察從之既而命南省及雲南四川進討八月二十九日阿察遣阿憐阿麻二人至四川諸蠻夷部宣慰使司自言無反意但雲南平章聽我仇人烏鎖納之言織羅我罪朝廷不知我今赴闕聽聖裁雲

南左丞阿魯四川都元帥伊蘇岱爾與南省期以十一月十五日會一奚卜薛至期南省軍不至阿魯與阿察戰伊蘇岱爾命萬戶彭天祥雅爾哈特穆爾托歡分三道攻會寧關一奚卜薛遣其部落阿侯拒戰敗逃入山箐一奚卜薛奔雕飛砦阿察走大寧阿魯等進兵伊蘇岱爾曰賊已離巢穴今發烏撒播州及南省近地兵足以勤除我等可回不然曠日持久糧乏瘴起不便事聞工命雅爾哈以千人守其地久之賊窮困以二十年二月八日納款二十九年二月一日降詔招懷溪洞蠻夷曰中書省奏金竹知府滕臚言先奉聖旨招諭平伐山齊砦主謔薛約定奪今有居幾地面百眼左阿吉谷各當各迪等自以外荒久欲內附乞頒聖旨庸許自新朕嘉其誠遂俞所奏令諭爾衆咸聽朕言惟爾鄰封率多臣服自畚方而入貢尋萬國以來庭南順丹州北懷金竹陳蒙烟土頃已向風新添葛盤久皆款化咸膺寶命乃佩金符賞賚有加官守如故爾等如能率衆效順同

仁一視倘尔迷之不返是伊戚之自貽勉思轉禍之言當
體好生之意元貞二年六月平伐鄰戒平珠瀘洞砦主
王二原謝雞雞公常巴郎楊義等十八處等官來雲南
省告降行省差官入洞撫諭至大德元年四月平珠洞
宿家沙家二族賁進呈禮物出洞道經其隣蠻新添葛
蠻宋氏之村頭水底砦宋氏怒二族不由已以降乃遣
土都雲長官落冒率衆遮道奪進物二族逃散破劫常
巴郎砦五月宋氏復令平浪巡檢歐陽濯龍與其下大
洞李巴林竹哥等率木枋六十餘人劫平珠洞蠻官足
萬金婆南大砦柵逼使背雲南之招從已求降不從濯
龍掠去足萬金從人足萬雷等及進獻方物此行實招
到平林獨山州搖和洞唐開珠羅等處八百四十四砦
民五萬餘朝廷立長官司以統之而以蠻婦阿初充長
官大德二年四月八番桑柘蠻王二萬馬蟲等叛殺巡
檢三萬尋出降馬虫走他所聚七千餘人陷平包砦圍
重輿砦又與叛猫犵狁必際等蠻結連慶槐江等處

猫入作亂三年命湖廣平章劉基征之四年正月猫桑
柘遣所部文何持竹契長力及方物來降潘州宣慰司
以為蠻苟逃禽戮然亦須招安既而黃平府亦上言桑
柘附近之重輿必際都陣犵猪必梅等二十二砦刻契
來降七月桑柘蠻及思官賊梅金匣播州楊金萬必梅
砦主娘報等三百餘砦皆降五年六月八番宣慰司言
党兀自降至今八年不供賦役所部娘祖大盤小盤白
定白樂等蠻先結連平伐蠻叛劫先宗砦團吳卜美砦
射猫民阿羊金坭皆死官軍捕班夏潘家蠻党兀遮道
助其拒敵今年正月又使板橋郎來重陂等砦猫燒劫
百納砦宣慰司令馬上橋金竹府備之且以兵討之党
兀年七十九老不能出遣其砦主的拗及子党砦的沙
勇強砦的福三人出降的拗等又與其黨幼鬼砦主陳
醒朱蓋砦主樓地之弟楊八小盤砦主騰香等共誓不
叛至大二年三月八番蠻割和寨主谷敏谷霞砦主洛
驪刺客砦洛卜侑吾狂砦的拗谷浪砦只驗皆降詣闕

三年八番玩西猫蠻阿馬害作亂奏准捕之四年春阿
馬與其降洛羅洛登各替及脅從蠻官卜制頭之子哥
暮出降至治二年六月八番蠻官閉羅爾與其屬十
仇殺七月百眼佐等處蠻夷長官司言康佐砦主老康
糾合谷聳砦主怡信等殺巡檢王忠拘長官洛邦又殺
土官蒙卜郎作亂宣慰司發官兵冀土官敵通往討之
三年正月八番呈周砦主常光正等殺牛祀天立盟歸
降自言有地三千里九十八砦係暢黃五種人氏二萬
一千五百餘房光一等二十三人領入宋隆濟大德五年
之願歲出土布二千五百疋為租入宋隆濟雍真葛蠻
土官宋隆濟叛初朝廷調湖廣雲南兵二萬征八百媳
婦蠻湖廣兵命左丞劉深等領之取道順元番進入討
又令雲南左丞裕呼龍招達拉哈軍入境調用命新添
葛蠻軍民宣慰司自琅詡驛經平現蠻峽至順元叢聳
等砦斟酌日程分六處安營備餽運丁夫馬匹俟烏呼
納至點視而雍真葛蠻平西等部當出丁夫馬百匹五

月二十四日文書至隆濟乃言猫人狔狔謂官欲髡其髮印記面送軍三四年不返寧死不往雖就若見殺可也以此觀之夫不可差同官雍真總管府達魯噶齊也里千曰然則起尔宋氏盡行隆濟曰吾往訴之宣慰司遂行六月十七日隆濟構木妻等族作亂其侄臘月宋六分斫斤等告也里千使為備也里千遂避於底窩楊黃砦明日隆濟率臘月弟不奴部家童農觴落中段刺答洛忙中等納五百人攻楊黃燒砦雍真總管解舍臘月奴都保葛海又來報隆濟以一仇二天與阿昔長官為號糾其同叛又有紫江賊助兵四千破楊黃砦也里千走掠去總管府印殺也里千奴阿麻妻忙葛農等是日龍骨長官阿都麻殺生祭鬼誓衆應隆濟亦謂官拘壯士黔面髡髮充軍或殺虜我家亦不可知寧死不離此土各負長刀赴亂二十日又脅底窩總管龍郎與古龍阿馬都所部不這羅鬼阿開阿嬌等狔狔抵阿觴砦拒落邦劄佐長官司止十里聲言欲攻劄佐二十一日

破底窩砦又欲攻隴兒砦於迷樂橋二十二日自貴州
至新添界農聳陂北至播州界刀項路及卜鄧加鶴鳴
等站皆被笑劫又遣中火紫江篤貓脅巡檢倘答鄧同
叛二十七日劫順元母告之地官校擬進御見尋攻貴
州殺散普定龍里守令軍燒官糧殺張知州七月十日
梁王下令湖廣雲南四川三省會兵誅捕八月雲南平
章崇烏嚕入順元與賊戰數敗之殺水西水東蠻俱叛
崇烏嚕遣人招水西土官之妻蛇節不出蠻人洛暮報
云者阿泡言蛇節已反統青衣破軍圍貴州甚急又有
三家貓箐蠻望草敵官軍敗之十一月詔敵宋氏濟妄
說驚擾事端糾合蛇節及羅鬼酋長阿合女仇相扇作
亂特遣湖廣行省平章政事劉二巴圖指揮使額森呼
都魯率兵及思播宣慰賽音布哈等土兵與四川雲南
省分道並進別勅梁王提兵進討悔罪來歸者復其官
爵能殺賊酋或禽獻者賞執迷不悛勦除一切事宜並
從劉二巴圖等區處十五日隆濟黨校曲旁等攻貴州

崇烏嚕掠得阿客者言始因徵征八百媳婦入夫馬匹
一奚卜薛之子些曰入馬不辦官鎖其項些曰恥忿與
隆濟議糾合阿八阿納許波泥帖等反烏撒總管那由
言爾兵若破貴州鴨池之事容易我將圖之違其族阿
雄阿行頭佐助兵行省令土官普利買馬助軍普利稱
軍馬價不用貳非金不可觀望不肯道是月土官烏犀
叛行省討之敗走祿豐砦劫梁王位財貳六年正月官
軍以隆濟九次攻圍貴州糧盡退還賊邀于花貓牛場
二箐及長脚木狹截萬溪山沙木南箐鉄門關沙樹貓
北箐殺傷甚衆掠去行裝文卷江頭江尾和泥等二
十四砦龍馮蹄一十八村皆叛二日一日四川宣慰使
汪惟勤與湖廣平章會兵播州三月六日至打鼓砦南
木瓜坝遇賊阿訛敗之九月十九日劉平章使土官俠
者潛刺殺阿泡蛇節駐兵折刺危水以待官軍十月十
七日劉平章殺敗蛇節乘船遁去陝西兵殺敗芒部叛
蠻鬼旺納濟等與雲南湖廣軍合過泊飛關追蛇節二

年正月二十六日劉平章至阿加砦追及蛇節二月一日
日出降其黨曲捧阿暮等四十餘人皆出三月三日領
軍自必迦迴程奉旨斬蛇節蛇節初叛地名廣西兩江
蹉尋禽斬隆濟惟金竹賊月下卜蘭木逃去
至元十三年知來安軍李惟屏知來安軍兼知凍州事
岑從義降十五年田州上隆州下隆州武隆州兼州黃
漢棧思恩州八中溫潤砦頻洞計洞涿洞在洞上下雷
洞上下影洞皆降十七年廣州海港賊霍公明蘇俄細
麥嬰工等害招討馬應麟捕斬之
州大任洞賊黃德寧殺人牛犬祭兵僭號造妖言劫掠
偽稱皇帝李龍神定國公皇佐丞相黃德寧立國公皇
羅榮開國飛童黃京夫主朝化民衙主黃汝妙六部尚
書潘國用六按尚書潘置玉精光祿大夫兼管生民殿
前太尉彭元吉殿前引兵斬斫使莫道名都統幹太師
黃勸賊設醮筵門首橫寫大字牌曰建慶賀新君登極
太平道場醮筵呼萬歲又曰願我皇帝早登九五之位

四月九日以黑漆木椅作亭屋持兵張旗幟鳴金鼓至
巫烈山迎李龍神進銀慶賀德寧家有大字黃紙位牌
寫上祝新君李萬歲其曉民榜示曰照會官庭發下寶
物付李皇帝掌握日後統九五之位運半千之慶緣十
六國皆已統成一天今李皇編排得力得衙主差一十
九司及府額六百十四軍州七千餘縣後安天之日命
令衣冠圭簡靴帽殺活杖玉璽計七事給付李皇掌管
今十分之民七分不信三分須信五月輕差兵卒收不
信中民一千之數尚慮累及信民今發曉民榜一道付
右蠻衙曉示信民至日兵馬行令有誥者免罪無誥者
定行誅戮玉印朱文預先曉示故榜並令知悉九年四
月日榜封民倉帖云逆民永倉定公封龍神又名萬頃
德寧與父璋信先曾叛逆出降有司謂其三代為寇六
次叛伏今不可赦尋習捕獲伏誅八年都窩洞賊叛至
大二年常豐洞蠻大弟什用糾集洗王不鬼散毛等洞
蠻劫掠永寧之阿那禾砦延祐二年靖江古縣羅蠻洞

猺賊劫掠燒架閣庫文卷縱獄囚四年招出猺人趙仙
十七潘仙等殺獲石倉團侯重用及秀秀嶺頭團白團
提江團淋背團領豚團等賊重用能察雷雨通陰陽七
年十一月左州黃郎君劫掠淥查村至治元年太平路
賊趙郎陳叛屯粘村二年廣西宣慰使燕牽言猺族非
一生于深山窮谷者謂之生猺野處巢居刀耕火種採
山射獸以資口腹標槍藥弩動輒殺人其雜處近民者
曰熟猺稍知生理亦不出賦又有撞猺則號為兵官守
隘通道于官有用自宋象州王太守始募熟猺官供田
牛以供此役至今因之為今之計莫若置熟猺與撞猺
並為撞戶分黃聖許至元二十九年閏六月知工思州
地過賊為便黃聖許黃聖許反聚二萬人斷道路結援
交趾借兵攻邕州遣副樞密程鵬討之聖許戰敗率三
十人逃入交趾既而復至邊地攻劫三十一年同知兩
江宣慰司事楊烏爾圖上言能不用兵招降聖許從之
八月聖許劫幫團長山隘又與交趾興道王結婚未幾

詔赦罪許自新行省差烏爾圖赴賊黃合巢內開讀聖
許經一月亦不出復以二萬人討之時賊屯上思州那
答柵三忒柵細良柵石佛柵那結柵那次柵等砦楊烏
爾圖上言聖許兩招不出三月七日令子志寶同大小
頭目一千餘人來言聖許曾對天陳誓不肯出官賚到
降狀稱楊烏爾圖賚聖旨來招豈不欣悅望北謝恩外
聖許雖有誓不出願情投降當令兒孫頭目出官聖許
還本州招集逃戶復業行省以聖許不出依前進討三
月十九日聖許生日坐草房正廳紫羅盤領衫裏布金
帶據銀交椅直上懸朱漆金字闕碑參賀人人呼萬歲
明年正月聖許駐馬上牙六羅茅山林既而兵敗自兇半
山走交趾亨村晚夢久之聞官軍回復還由苟村至時
細潛居官軍約十月一日會合進討聖許敗獲其妻女
大德元年二月五日聖許遣其子志寶賚狀赴廣西兩
江道宣慰司出而赴闕尋詔聖許朝京師聖許不肯挾
志寶走交趾萬寧寨志寶不聽逃回訴于官六年聖許

復回故地居鳳凰舊巢攻圍諾屯仙洞屯既而又使人
來告降且乞還其所虜之妾朝廷羈縻之延祐元年正月
聖許陷忠州殺黃知州等六年聖許族人黃萬山萬松
萬壽攻古能村戈村劫殺歸龍團皮零洞至治三年聖
許僑黃縣官攻劫邕州渠岑氏至元十八年鎮安州鎮
樂墟百姓逃避于彎團撫岑毅反與特磨道農
士貴書曰設有連連軍馬來起差稅吾與爾皆一家之
人團裹戰殺實不願作大元百姓於是放兵攻劫殺順
安知州李顯祖掠其小妻家財官軍討之出降大德十
一年左江來安路總管洞兵萬戶岑雄作亂殺其侄世
傑延祐七年來安總管岑世興反十二月十七日燒田
州上林縣那齊村明年二月殺懷德知州凌順武奪州
印又攻那帶縣世興尋出降稱洞溪事體與內郡不同
自唐宋互相仇殺並不曾殺官軍侵省地廣西道又上
言世興嘗殺蕪州知州黃克思播至元十四年六月思
仁分食其尸世興雄之子也州思景賢播州楊邦

憲兩安撫使降邦憲在宋為牙牌節度使正任安遠軍
承宣使左金吾衛上將軍知播州事御前雄威將軍都
統制紹慶珍州南平安撫使節制屯駐鎮戍軍馬朝廷
授以龍虎衛上將軍侍衛親軍都指揮使紹慶珍州南
平等處沿邊宣撫使兼播州管内安撫使佩虎符十六
年春官軍平恩州杜望杜暮河上茶林諸砦圍桐木籠
竹既而玃狔伯同叛陷合水美岫二砦至大元年七月
思州言廣利白拿等處苗賊與公峨羊溪苗賊作亂伏
白泥站劫人三年獨山州土官蒙天童款附蒙朝廷設
獨山州窖洞木洞都雲等五處軍民司令天童前往招
本州毗鄰未附者黎坡上團九黎九姓黎苟王刺南郭
文下都雲等一千九百餘砦平伐生苗主只王等不在
其數行省從之招到平堪三間地酋長羅宋備桑根地
砦主蘆桑吳各解陳蒙爛土蠻官天程牙男天程孫等
桑林獨力長官亞浪男洛磨界牌猫砦主乞把上爛土
砦主陳爛虫下爛土砦主劉國圖麻乃砦主猫的街谷記

砦主貓青珪等以刀槍馬來獻延祐四年洛磨反初
招附時洛磨稱病遣其子各里及大砦主都罷落能等
赴省既而同降者楊銀延訴各里非其子乃奴子各午
也至是侵水手浪等處至治二年四月播州上言招降
洞蠻北心砦官盧崩信備大晏大關砦王安吉力上洛
磨砦羅徽水洞入砦官黎上錢所亮大小答架砦官黎
桑皮歪盧海北海南至元二十八年瓊州安撫使陳仲
客錢等達上言乞招生熟黎降旨許之招

到本州生黎大踢小踢端趙麻山等四洞王氏平等出
降皇慶二年黎賊王奴歐等反偽稱平章元帥立國設
官焚劫百姓三年正月奴歐等降刻箭誓不復亂使之
歸業然羅襖等處兵未散延祐二年十二年二十三日
黎盜百餘人入橫州永淳縣殺達魯噶齊磔死民義村
傷縣尉走賓州古辣村至治元年九月黎賊犯茶洞燒
民居二年七月黎人王火燒攻劫百姓捕獲其黨蒙毡
甘佛龍彭瘦等火燒劫獄奪去又陷南偏洞砦殺奔采

等廣東

至元二十年九月廣東黎德區將軍聚十萬人
改元僭號殺居民陷城邑又增城縣蔡大老鍾

大老唐大老皆應之據平康下里東團村等處官軍破
之區將軍走藍糞營官軍追燒之延祐三年三月德慶
路徭蠻叛既而令山主五世祿山主李伯達招降圓麻
山徭人盤郎梗盤古緞王窮腸等出官至治二年徭人
何窮腸陀窮腸等降出月徭江西至元十四年四月汀
戲馮岳護犯新會縣西通社江西州長汀賊黃廣德自
稱天下都大元帥刻都帥印又立為天從廣德皇帝設
銅將軍銖將軍等號五月沙縣賊謝五十自稱擎天將
軍尋皆平定十七年南康都昌縣杜可用反號杜聖人
偽改萬乘元年自稱天王民間皆事天差變現火輪天
王國王皇帝以譚天麟為副天王都昌西山寺僧為國
師朝廷遣史弼討敗之命江西招討方文禽可用元貞二
年七月贛州興國縣龍坑民劉六十名季撰妖言張偽
楊及劉季天旗自稱劉王刻皇漢高祖廣新之帝并行

王二印設朝殿開行省置丞相左右丞將軍頭等官
宣言止殺官中人與張大老作亂八月攻吉州永豐遣
江西省左丞董士選討之十月捕獲六十自裁不死伏
誅延祐二年四月贛州寧都州蔡五九反與其黨聚寃
子寮五王廟殺猪置酒俱執錫楞槍刀五九自號洞主
六月五九率衆劫掠村落郡邑殺寧都州趙同知圍寧
都州燒四關八月三日官軍開門與賊退五九自稱
蔡王騎馬列儀衛張漢高祖旗造戰棚砲架攻具其勢甚
張又犯福建地奏遣兵討之九月江浙江西兩省會兵
至石城縣弓兵宋伏成於兔子寮木麻坑禽五九伏誅
福建 至元十六年五月降旨招閩地八十四畬未降者
十七年八月陳桂龍父子反漳州據山砦桂龍在
九層際畬陳吊眼在漳浦峰山砦陳三官水篆畬羅半
天梅龍長客陳大婦客察畬餘不盡錄十八年十月官
軍討桂龍方元帥守上饒旺扎勒圖屯中饒時桂龍衆尚
萬餘拒三饒尋捕得其父子斬之南劍州丘細春反行

鎮國開國大王改元昌泰二十年八月建寧招討使黃
華反集亡命十餘萬剪髮文面號頭陀軍據政和縣十
月詔史弼高興劉二巴圖巴延將兵討之
之與福建呼剌楚會合華敗自焚死
浙東至元二十
台州仙居縣有王仙人者言今年五星朝斗天崩地陷
合有聖人出招立大將置寨黃都南溪民陳再一等從
之為亂敗自焚其屋赴火死二十六年二月台州海寧
人楊鎮龍反據玉山縣二十五都偽稱大興國皇帝置
其黨屬某為右丞相樓蒙才左丞相以黃牌書其所居
門曰大興國改安定元年乘黑轎黃絹轎罩黃傘得良
民刺頭為大興國軍四字二月一日殺馬祭天受偽天
符舉事蒙才等拜呼萬歲有兵十二萬七萬攻東陽義
烏餘攻嵎縣新昌天台永康宗王鴻吉岱浙東宣慰使
史弼討之鎮龍陷東陽縣尋禽誅獲其二印一皇帝恭
膺天命之寶一護國護湖土大德五年閏八月懷德府
民威權法令奉命之印麻用南木連結蠟生蠶模

狃狃于麻用州界立砦殺掠田大什用家劫辛苦村
洞主仰閔驢家皇慶二年十一月靖州青符團石橋山
蠻吳千道作亂尋降延祐元年沅州胡老鼠搖賊作亂
三月招出其黨蒲狗尚金朝李部凱至甕省砦出官七
年六月慈利州貞家山居民貞公結懷德府河者洞驢
合什用謝甲洞巨仙什用恩石洞沒尔什用安俱洞重
達義等侵湖南至元十五年全州教授唐子定奉府檄
白水泉界招下清湘縣西延溪蠻皆持木狀赴府
中降沽油團屋孫耶棒水團門客耶師哥罵耶專田團
喉無米耶喉社勾耶龍堂團近師耶士哥羅勾猱猛口
團客多耶小池團祖女耶穿弟傘匠耶等共二十餘團
此獠人居深山窮谷巢穴中不巾不裳赤腳露脰衣用
牛羊血點白布作青花逐幅相體湊成無領袖耕山地
種豆薯蕷產楮皮厚朴大德二年郴州可大老叛官軍
殺其劉尊長王寨司等四川至元十四年五月降旨付西
又有黃公爹者亦反四川諸蠻夷部宣慰使答順使

招思州田景賢瀘州可南番蠻王阿永叙州筠連勝串
 豕鷩昔霞等處諸族蠻夷十五年叙州剥骨蠻殺使者
 十七年六月思州市備大盤散毛等洞溪納款十九
 年發都掌阿永等民為兵征塔瑪喇都掌等上言宋
 時未嘗僉軍乞以馬牛助軍需從之未幾征亦奚卜薛
 起軍酋長阿峻等亦不從命二十二年正月討降又巴
 聳農洞諸蠻三十年十月西川行樞密院奉詔征鐵州
 茂州汝州西番蠻夷其殺戮降下者必力溪等十五
 其砦主曰牛特蛇必烏麥蒲雪常吠舍具
 得輸只禪非曰東非勾巴等也其未服而
 尚征者西番螭磨弱成獨秦罷強獐徹垓顏蘇
 五則客客昔多坡必立兀刺新而元立
 山等也六年陝西平章伊蘓岱爾奉命進兵討順元
 羅鬼烏撒烏蒙東川芒部叛蠻九月伊蘓岱爾自叙州
 慶符直衝矣娘州烏嚴參政阿都齊自長寧直衝芒部
 降下十八九回軍就糧至永寧阿永蠻雄挫及雄挫藏

八番反蠻蛇節部曲阿龜及其妻折躬折利及芒部納
即弟卧踏故於七年二月二十八日反於赤水河伊蘇
岱爾就討之射死阿都奪其金裏甲鏐子鎗九戰得出
叛境閏五月雄挫妻蘇池與招降官蔡閏文字一紙畧
曰阿具阿早賁得榜文為我住在山箐別無同伴蠻官
我自來不管官事順元結連諸夷作亂差人邀我同叛
我雖是親戚斷不曾聽信又言聽得羿子殺訖使臣不
是蠻官本情我親去單洛具與衆蠻官報知然後出來
軍中再令閏往招雄挫六月遣阿加阿抱持文字來大
意謂我不反使臣貪婪所致十四日雄挫遣牌頭阿底
下夷人阿大通文字降陝西省右丞而稱病不出但令
永寧路同知阿況之子委界赴官蓋其叔父也又與必
能阿模同行朝廷必欲令雄挫入朝移文行省不出則
進討十一月雄挫呈擇二十四日起程續又呈再擇十
二月初三日狗日出部二十四日到魯槽與其部曲阿
他及把事頭目各者末末等二十九人赴京都賞衣服

弓矢鞍轡放回至大元年三月大弟什用集洗王不鬼
散毛等洞兵侵者等洞既而出降遣墨施什用答曷什
用赴關五月歸州巴東縣唐伯圭言十七洞之衆惟容
米洞罔告洞抽攔洞有壯士兵一千餘皆不足懼也若
官軍討之可分四道其一自紅沙寨直趨容米玩珍
味惹却加阿惹石驢等洞其一從苦竹砦抵
桑厨上桑厨抽攔洞其一由紹慶至孖摩大科
陽蔓師大翁迦洞其一徵又巴洞問十萬大帝什
用洞兵接應如此可平至治二年散毛洞蠻大望什用
劫掠黔江縣五里荒三年五月順元洪番安撫劫掠卜
哥所管砦民銅西番至元四年五月崇慶等處從宜王
鼓牛壠等物遇等令已降西番人大番官翦木
及阿里吉招到西番大和尚解設三卜魯大衆答
谷族思蓬怯將同族速恭麻拘宰族鮮酌等共十
一族七年從宜府遣投降番官頽和尚招到速番和尚
石本雜汝鳳川番官獨然朔入朝二十三年陣骨族

六彪及其子合彪結龜單族條竹族寇脫思麻路敗之
二十六年疊州西番人朶兒只牙思招到生番心搆等
八族降至大三年二月雲南省蒙光路土官鰲罕上言
有第三瀾在西天界藍塞守邊大德八年三瀾來言西
天地僻不知是何達建軍馬奪數砦而去今年正月三
瀾復遣火頭官兜來言西天使來又有達建軍馬殺西
天王而立其孫奪其堡寨所乘馬甚高大蹲伏乃可羈
鞍問此疆之外其主者誰西天王對白衣所居歸屬大
元為民出賦久矣遂出大箭三金段一使致信於白衣
曰我得之地我為主在爾之地爾自主之無相侵奪金
來使以其箭與金段授三瀾母攬陶有此邊警不敢不
報事聞朝廷命雲南省體探提備施行至治元年土蕃
宣慰司呈孔提谷充兒等七族番賊阿娥弟蒙者等伏
五盧平林內殺傷官軍又昌東着思巴八郎篤公
參卜郎赤冊阿八必只刺等東西萬里俱
係生番其八郎朶公劫朶兒只八站馬二百餘匹
遼

陽威古特

至元十年征東招討使達希喇呈前以海勢風浪難渡征伐不到岱音濟喇敏威古特等地去年

征行至尼嚕罕地問得烏登額人約蘇稱欲征威古特必聚兵候冬月色克小海渡口結凍冰上方可前去先征岱音濟喇敏方到威古特界云云大德二年正月招討司上言濟喇敏人百戶哈芬博和哩等先逃往內和屯與叛人連結投順威古特作耗奉旨招之千戶巴雅斯以為哈芬等已反不可招遂止大德元年五月威古特賊沃稜乘濟喇敏所造黃窩兒船過海至哲哩木嘴子作亂八月濟喇敏人諾木齊過海至烏色砦遇內和屯人言濟喇敏人雅奇札木稱威古特賊與博和哩等欲以今年北海凍過果幹虜掠打鷹人乞討之既而遼陽省咨三月五日濟喇敏百戶烏坤濟等來歸給魚糧網扇存恤位坐移文管沃濟濟喇敏萬戶府收管六月五日官軍敗賊于錫喇和屯七月八日威古特賊王博凌古自果幹過海入拂里河官軍敗之九年六月濟喇敏人吉爾庫報

威古特賊劫訥木喀等官軍追之不及過扎爾瑪河劫掠至大元年濟喇敏百戶奇徹奇納言威古特約索拏呼欲降遣達哈扎薩至尼嚕罕又濟喇敏人多神努額齊訥來言約索努呼沃稜等乞降持刀甲與頭目布結結且言每年貢異皮以夏間達喇

圓明和尚

延祐七年六月十三日夜奉元盤屋縣終

布魚出時回還云云南景谷小高山僧圓明和尚就扶風小員大家糾合蘇子榮等五十餘人各執桑木笏持二劍祀星斗偽即位為皇帝眾呼萬歲圓明和尚姓白名唐古台年三十有七耀州美原縣特默齊軍延祐七年四月小高山湫池邊建禪菴誦經尋移其母馮閏娥與弟廣師皆來菴中盤屋人來燒香者受戒牒因與子榮等相識至是誠以七月五日攻奉先路舉事其徒言普覺長老和尚上元甲子合生大位六月二十九日扶風縣人告變官軍捕之唐古台提劍夜二更欲出山走官軍圍之遂相射鷄鳴時復回菴中七月一日陝西省參政多爾濟巴勒史中

奉以兵捕賊唐古台藏其母林中與妻妙師及其黨西
循秦嶺走久之棄偽印章草內又無糧唐古台與妙師
藏林中令人下山探伺消息八月五日午時唐古台因
睡官軍追及執妙師等唐古台脫走九日奉元路達魯
噶齊已延于白楊平河禽唐古台伏誅招捕事不
止此是惟取其人名地名及事與序相干者入注中

軍制

世祖即阼建官位事侍衛則有左右前後中諸衛衛設
親軍都指揮使外此則萬戶之下置總管千戶之下置
總把百戶之下置彈壓總以樞密院皇太子兼樞密使
節制天下兵方面有警則置行樞密院事已則廢而移

都鎮撫司屬行省命長官一二入領之萬戶千戶百戶
分上中下萬戶佩金虎符符趺為伏虎形首為明珠而
有三珠二珠一珠之別千戶金符百戶銀符萬戶千戶
死陣者子孫襲爵死病則降一等總把百戶老死萬戶
遷他官皆不得襲是法尋廢今無大小皆世其官獨以
罪去者否號部伍曰翼百戶而下繇散兵官本翼則免
其家為卒他翼者不免千戶而上雖本翼仍不免幕官
久次積階至四品得為千戶而軍士則初有蒙古軍特

默齊軍蒙古軍皆國人特默齊則諸部族也其法家有

男子十五以上七十以下無衆寡盡科為軍有事則空
營帳而出十人為一牌設牌頭上馬則備戰鬪下馬則
屯聚牧養孩幼稍長又籍之曰漸丁軍既平中原發民
為卒曰漢軍或以貧富為甲乙戶出一人曰獨戶軍合
二三而出一人則一為正軍戶餘為貼軍戶或以男丁
論嘗以二十丁出一卒至元七年十丁出一卒又或以
戶論二十戶出一卒而限年二十以上者充士卒之家

為富商大賈則又取一人曰餘丁軍至十五年免或取匠為軍或取諸侯將校子弟充軍曰質子軍又曰圍囿哈軍皆多事之際一時之制天下既平嘗為軍者定入尺籍伍符不可更易詐增損丁產者覺則更籍其實而以印印之病死戍所者百日外役次丁丁少者再予五十日死陳者復一年貧不能役則聚而一之曰合併貧甚者老無子者落其籍戶絕者別以民補之奴得縱自便者俾為其主貼軍逃而還者復三年又逃者杖之投

他後者還籍中醫而良者奏復其房其田土則初視民
輸半租既而蠲四頃曰贍軍地餘田賦如常法既得宋
兵號新附軍大率蒙古軍特默齊軍戍中原漢軍戍南
土亦間厠新附軍諸國人之勇悍者聚為親軍宿衛而
以其人名曰欽察衛喇衛阿速衛唐古衛內外卒皆
以時踐更又有遼東之紂軍契丹軍女直軍高麗軍雲
南之寸白軍福建之畚軍則皆不出戍他方蓋鄉兵也
又有以技名者曰砲軍弩軍水手軍應募而集者曰達

勒哈軍此不給糧餉不入帳籍俾為游兵助聲勢虜掠以為利者也其名數則憲宗二年之籍至元八年之籍十一年之籍而新附軍有二十七年之籍非有旨雖典掌者不敢擅發亦不得閱其數軍出征戍家在鄉里曰與魯州縣長官結銜兼鄂囉官以蒞之此其槩也事之見簿書者具諸左方

軍器

是編載兵器而附軍需之料例名物具工典此其給納

之事也至元初命統軍司造兵壞則諸萬戶行營選匠
自修之內則有武備等積貯列郡設雜造局歲以鎧仗
上供其精者有西域礮摺疊弩皆前世所未聞軍需則
糧鈔衣帽靴袴至製燧馬馬蹄蒞魚網斧鎌鴛鑊渾
脫之類是也太宗四年十戶辦軍衣十套每套四件帽
綿襖綿袴靴軍器有十五稍九稍七稍
五稍三稍砲至元二年令統軍司造兵器或修補則各
萬戶軍中選匠置局自治之四年上都李仲成造靴車
神鳳弩射八百餘步六年教頭李初言乞造軍器教士
卒武藝奉旨各色內止造一真者餘以木為之軍需
有馬脚蒞披氈夾袋火鑊木碗絆布帳鉄櫪鉄觀斧鎌
柳編子柳觀氈帳鉄鑊鉄鴛鑊鉄簞籬渾脫鉄於十一

年造絮四石斗力柱子弩二石斗力三十年取江浙省
紙信砲皇慶元年新附軍甲仗收于本萬戶封置有調
遣則給與之

教習

陣有奇正人有坐作兵有擊刺必耳金鼓目旗幟千萬
夫如一人則始可用矣神元上世北戴斗極以立國寓
兵法於獵開闔聚散嚴矣及取天下四征不庭水陸之
師莫不教練故能東西討伐所向無前承平既久愈益
不廢諸將麾下悉設教首勸賞情罰皆有著令今載其

見于簿書者使後有考焉陣圖戰藝秘不示衆

整點

天子新即位則分遣樞密院臣僚乘傳行諸省洎列郡
考戍將所典之士壯若懦校其籍之數觀馬肥若瘠與
兵之利鈍甲冑鞍盾之堅脆弦箠弓矢旗幟之新敝什
物之備否大閱行賞罰還奏吏文曰整點一則以受圖
膺籙之初振舉庶政而武事其一則以警動天下耳
目而備不虞此常制也餘則或有征伐亦閱所當遣卒

於期會啓行之方或外本兵者廢草而藩方新有其軍
必覈實齊一之或受任者怠於事而往作其弛惰皆整
點如上今雜載之第是數者非得旨皆不敢行

功賞

賞典軍中要事也其有戰守功登賞者皆已隨事附載
見於事者則或已過時追念其功而賞或索數功而總
議行賞或泛以征伐勞苦而有所賜予或興土木之役
畢事而犒之或遣使整閱天下兵還奏恪慎效職而遷

擢者也自世祖以前則簿書闕焉

責罰

國家用兵行師數矣責罰之見於纂述者甚少蓋因事致罰者各隨其事而見此所錄率多雜罪如賞典云

宿衛

屬橐鞬列宮禁曰宿衛軍國有大朝會徧徵諸侯王入京師之歲所司設廬茨環大內士晝夜居其中以備非常既朝會則罷之曰宿衛軍皇帝祀郊廟幸佛寺蹕街

清道曰儀仗軍從幸畿甸曰扈從軍坐帑藏倉庾詰問
出入搖鐸警夜以護天子之良貨賄曰看守軍皇帝幸
上都從留守大臣以夜鐘時出譙樓下分行國中衢陌察
盜賊至曉曰巡邏軍歲漕繇海至枯水口輸海津倉五
方人全集惡少不逞游警其間出千人彈壓曰鎮遏軍
如上雜載一卷舉一以附其餘曰宿衛類云

屯戍

國初征伐駐兵不常其地視山川險易事機變化而位

置之前却進退無定制及天下平命宗王將兵鎮邊徼

襟喉之地

如和林雲南回回畏吾河西遼東揚州之類

而以蒙古軍屯河洛

山東據天下腹心漢軍特默齊軍戍淮江之南以盡南

海而新附軍亦間厠焉蒙古軍即營以家餘軍歲時踐

更皆有成法獨南三行省不時請移彼置此樞密院必

以為初下南時世祖命已延阿珠阿安塔阿爾哈雅阿

勒哈與阿爾婁博囉輩所議定六十三處兵也不可妄

動奏卻之此其槩也

工役

軍之後土木者率以築都城皇城建郊廟社稷宮殿籍田官府寺舍倉庾治道築堤堰牐壩造橋梁開漕河大祭祀掃除壇壝之類餘則建佛寺起塔樹幡竿脩寺僧之水碾為大臣築第拽碑石與伐船材斫葦被城上理庶圉黃羊圈百人五十人則樞密院指撝過是則奏聞亦給傭直洎糧然第畿內事也外郡則惟脩甘州城且建倉浚咸平府清冠河之游理寧夏浮圖一百又八而

已

存恤

國家恤軍士至矣然吏予奪之際亦有文致刻者朝廷
忠厚久亦悉釐正之虞其飢賜之糧餉寒給之衣歲荒
振其妻子由戰戍歸道中有司續食病者療之不幸而
死予鈔二十又五貫曰墳瘞錢將校倍之使藁殯行營
苟俟其同鄉縣人為卒更代得歸者命負置骸骨其家
不既至矣乎始定制卒之陣死者復其家一年病死者

半年傷而扶還以斃者比病死樞密院以為戰而傷還死營壘中異屯居告終枕席亦畀復一年又卒以月朔旦受糧不幸病死自死至月末盡日之食曰破月糧有司復徵入倉廩或病時已賣糧為資用則取償其火五人糧曰捐除逃去亦僂指其日徵之如上法之在位者屢上言非便乞無多寡盡賜以買棺又官吏病滿告百日報罷其破月俸米過其月五日者亦仍給之又其比也事下版曹執舊比不變廟堂不聽卒免遠戍病死者

破月糧而逃者徵如故不既忠厚乎

至元十五年八月
樞密院議陣亡軍

存恤一年病死者存恤半年若臨陣攻戰被傷還營致死難同屯居病亡合從陣亡例存恤至治元年六月龍興副萬戶王武德言廣東身死軍追指支過月請鹽糧非便甘肅行省亦嘗言開除軍士照算身死在逃月日食用不盡鹽糧却於見在軍內就有虧見役軍人又南安路總管管府判官牟規上言病故軍門下或十日或半月鹽糧拘收還官不便乞今後無問多寡盡給為買棺之用庶望死生不致失所令南雄路成軍李真湛灼等自本月初九日十一日以後身死官司俱將已支各軍破月鹽糧作門下數目於下月實在軍糧內指除伏親首部定例諸官吏患病百日作闕支過俸米除全月回納還官外據支過破月俸鈔如已過當月初五日非屬破月糧數免徵都首送戶部計身死及逃軍拋下米糧擬合拘收還官如無令所管頭目賠納乞施行依上

施行訖都首以所擬未當再下本部邊遠戍軍病故支
過口糧既已費用若令捐除賠納殊失優愍之意擬合
免徵次月隨即開除却不得因時虛椿
捏合冒破官糧仍令肅政廉訪司體察

兵雜錄

兵雜錄者其所以錄之意義見總序此其事

馬政

國朝肇基朔方地大以邊索馳馬羊牛不可以限量而
數計今牧馬之地東越耽羅北踰和林圖們西至甘肅
南暨雲南凡二十四所又大都上都以及謬尼巴雅爾哲

里木齊達勒地周迴萬里莫非監牧之野在朝置太僕寺
典御馬及供宗廟影堂山陵祭祀與玉食之桐乳馬之
在民間者有抽分之制數及百者取一及三十者亦取
一殺乎此則免牛羊亦然其抽分之地凡十有五或遇
征戍及邊圉乏馬則和市拘括以應倉卒之用非常制

也悉類以述于茲

太僕寺典御馬左駝烙官印號大印
于馬其印有兵古貶古濶卜川月思

古幹樂等名產騎即烙太廟祀事及諸寺影堂用乳酪
則供牝馬駕仗及宮人出入則供尚乘馬供上及諸王
百官桐乳取黑馬乳以奉玉食謂之細乳諸王百官者
謂之粗乳又自世祖皇帝而下山陵各有醞都取乳以

供祀事號金陵擠馬盡三年以與中山陵者抽分羊馬
太宗時家有牛羊馬及百者取牧牛羊馬各一頭入官
牧馬牧牛牧羊及十頭者亦各取一頭入官定宗時諸
人牛羊馬羣十取其一隱者有罪憲宗時亦取其一成
宗時每年七八月間委人賁聖旨乘驛赴所該州縣與
民官眼同抽分十月分赴者交納宣徽院羣上及百下
及三十者抽分其不及三十者免共十五處虎北口南
口駱駝嶺白馬句遷民鎮紫荊關丁寧口鉄門關軍源
口沙靜忙安倉庫坊興和等處遼陽等處察罕諾爾又
世祖時不許販馬過南界黃河以南潼關之東直至斷
縣非官中人不得騎馬皆令賣之
於官中仍禁拽車拽碾及耕地

屯田

國家平中原下江南遇堅城大敵曠日不能下則因兵

屯田耕且戰為居久計當時無文籍以誌制度之詳不可考既一海內舉行不廢內則樞密院各衛皆隨營地立屯軍食悉仰足焉外則行省州郡亦以便利置屯甘肅瓜沙河南之勺陂洪澤皆因古制以盡地利雲南八番海南海北本非立屯之地欲因之置軍旅于蠻夷腹心以控扼之也其和林陝西四川等或以地所宜或以邊計慮至周密法甚美矣其置立之由增損之制收獲之數賞罰之規悉具左方

樞密院所轄

左衛屯東安州永清縣軍二千田一千三百一十頃有零實耕一千頃餘地立營司

場院廬舍

牛二千

右衛屯永清縣霸州益津縣餘同

前衛屯霸州雄三

州益津文安新城

後衛屯永清霸州

武衛屯保定

川縣滄清二州置屯

田萬戶有軍二千田一千三百九十頃牛一千六百

右翼屯大都之武清保定之新城

一千五百人田六百九十九頃田在郭雄二州牛三百七十

中田侍衛屯大同之平地朔州之馬邑一千人

二千頃滑州靜海七百人六百五十六頃龍翊侍衛

屯文安八百人三百頃

左衛率府屯武清三千人千

五百頃宗仁衛屯薊州大寧路上金山二

司農司所

轄

永平屯馬城三千二百九十戶牛三千六百六十頭

田一萬一千六百頃

營田提舉司屯武清二千一百

餘戶田三千五百頃牛三千六百廣濟署屯滄州宣
一千二百二十戶牛三千二百田一萬二千六百頃

徽院所轄

淮東淮西屯淮安州塔山徐郢沂一萬一千七百

戶田一萬五千二百頃牛三千二百六十六豐潤署
屯薊之豐潤縣八百三十戶田三百五十頃寶坻署屯

寶坻縣三百戶田四百五十頃尚珍腹裏所豁大同
署屯兗州四百五十戶九千七百頃屯儲

府大同山陰縣九千九百人田五千頃虎賁司屯上
都置司典松州分司軍三千佃戶七十九戶田四千二

百嶺北省屯稱海五條河四千六遼陽所管大寧路海
陽屯遷馬

鎮置司瑞州之西瀕海置屯一百三十戶二百二十七
頃浦峪路屯刺憐置司四百九十戶田四百頃金

復州屯本路置司忻都察立屯三千六百戶二千五百
頃肇州屯蒙古女直屯戶六百五十戶田一千五百

頃河南南陽民地

六屯六千戶田一萬六百頃牛四千
洪澤淮安之白水塘黃家疇一萬

六千戶田三萬五千三百頃
戶一萬四千 德安屯浮城畝豆陂環河磨山省港篤

子港潭陂澤河港陂李陂十屯戶九
千三百軍五千九百田八千八百頃 陝西屯鳳翔鎮

涇陽彭原安西平涼終南渭南共七千五百戶田五千
八百頃 陝西萬戶府屯盤屋之孝子村張馬村古園

莊亞柏鎮寧州之大昌原德順州之威戎二千六百戶
田八百一十頃 桂齊延安屯二千戶田四百八十頃

甘肅寧夏屯 西安州置司塔里置屯二千三百戶田萬
一千四百九十九頃 肅瓜沙三州屯甘州

置司黑山滿峪泉水渠鴨子翅屯屯二千二百九十戶
田一千一百六十頃 寧夏營田司屯棗園納伶站唐

來渠尾立屯二千一百戶田一千八百頃 寧夏官屯
鳴沙州置司九百戶田四百四十頃 額濟訥屯合即

渠置司二百戶 江西西安峇兵屯 贛之龍南安遠五龍
田九十一頃 相鄉四處三千二百

戶田五百 江浙省汀漳屯 汀之上杭漳之漳浦軍 高麗
二十四頃 三千田四百七十頃

屯 東寧府鳳州等十 雲南威楚提舉司屯 三十三戶田
屯每屯五百人 一百六十五

雙 大理金齒屯軍六百戶民三千七百戶田二萬二
千一百五雙 鶴慶路屯軍一百五十二戶民百戶田

一千雙 威楚軍民屯軍三百九十九戶民一千一百
戶田七千一百雙 武定路屯一百八十戶田七百四

十八雙 中慶軍民屯軍七百九十九戶民四千一百戶田
二萬二千五百雙 曲靖屯曲靖江仁德三路立屯

萬一千戶田九千雙 烏撒屯軍百十戶民八十六戶
臨安路屯逮水州立屯二千四百八十戶田五千一

百雙 烏蒙屯軍七百戶田三千七百八十雙梁千戶
屯立於烏蒙 羅羅斯屯會通建昌會川德昌立屯四

百七十戶 烏蒙屯軍 四川廣元路屯八十七戶田九
五千田千二百五十頃 叙州屯長寧軍富順

州立屯四千四百戶 紹慶路屯九十一戶 嘉定路
屯十二戶 順慶路屯五千戶 潼川屯一千四百戶

夔路屯五千戶 重慶路屯三千五百戶 成都路屯
五百十戶 保寧軍屯千一百戶田一百十八頃 叙

州軍屯宣化縣隔口左屯二百戶田四十一頃 重慶
五路萬戶府屯三堆中嘈趙市立屯千二百戶田四百

廿頃 夔路萬戶府屯崇慶州簸箕莊遂寧州北壩立
屯三百五十戶田五十六頃 成都萬戶翼屯崇慶州

義興鄉楠木園立屯二百五十戶田四十二頃 河東
陝西萬戶府屯灌州之青城陶壩崇慶之大柵頭千三

百戶田二百八頃 廣安萬戶府屯崇慶之七寶壩立屯
百五十戶田廿六頃 保寧萬戶府屯崇慶州晉源縣

之金馬五百六十戶田七十五頃 叙州萬戶府屯青
城二百二十戶田三十八頃 五路萬戶府屯崇慶之

大柵鎮孝感縣灌之青城縣之懷仁鄉千二百戶田二百三頃興元金州萬戶府屯晉源之孝感鄉三百四十戶田五十六頃隨路八萬戶府屯灌之青城溫江縣八百三十戶田百六十頃舊附萬戶府屯青城崇慶一千戶田百廿九頃砲手萬戶府屯青城縣龍池鄉九十戶田十六頃順慶軍屯晉源之義興鄉江源之將軍橋五百六十戶田九十八頃平陽軍屯青城大柵三百九戶田六十九頃順慶萬戶府軍屯漢初白土子平六百五十戶田百一十四頃廣湖廣海南北安萬戶屯新明立屯雷百一十戶田二十頃屯瓊州化原玉州立屯立屯雷百一十戶六十頃廣西兩江撞兵屯土浪忠那御雷畬水口藤州四千九百戶田六百四十御州屯衡陽之青化永之烏符武崗之倉立屯千五百戶田三百十頃

驛傳

國家驛傳之制有府寺

通政院兵部托克托和斯站官

有符節

圓牌聖旨札子

有次舍有供頓

馬車牛驢狗驍

驛傳之在漢地者兵部領之在

北地者涖以通政院郡邑之都會道路之要衝則設

托克

托和斯站官

之官以檢使客防姦非驛各有主者以典其事

此其府事使者銜密命以出或急遽不能待有司文移

則典瑞院徑自御前出金字圓符付之即佩以行次有

銀字者以常事遣則省部給御寶聖旨水行者給船劄

此其符節驛中有堂有室有庖湍兩驛相距道修則道

半別置官舍以憇號邀驛此其次舍使者宿驛中則給米洎酒各一升麪洎肉各一斤曰全食不宿而過者給半食冬之炭夏之冰雨之製備馬僕從予米他不給陸行馬微者或給驢閩廣馬少或代以牛水行舟山行輶倦者給卧輶綱運以車馬直險則丁夫負荷遼海以犬曳小輿載使者行冰上此其供頓其馬舟車之數視官崇卑事大小為多寡民之役驛中者復其地四頃不輸租與兵士同然出馬供使客馬死輒買補之有正馬副

馬或久而貧不能為役別取可者代之使者不得枉道
行杖館人擇善馬囊橐重不勝載非警急而疾馳馬致
斃者皆有罪此又其事之大槩也進奏之郎在京師者

曰會同館而綱運則號陸運提舉司云

太宗時制使臣日支肉一斤麪

一斤米一升酒一瓶十一年十月奉旨駙傳勿給壞駒馬如違給者乘者各杖五十七使臣無急事令乘牛車

中統三年奏西京等路鋪馬疲勞擬令押運官坐車騎驢奉旨今後隨路車運官物止令押運官坐車乘驢不

須給馬四年中書省定例使臣十月一日至正月三十日日支炭五斤五年八月中書省奏站戶田限四頃免

稅以供鋪馬祇應已上地畝全納地稅至元二年中書兵刑部上言渾源弘州不曾立站順天真定德興等路

使臣背道徑行索換鋪馬中書省行下各處今後使臣
止由正站走遞毋得經行不立驛站之處換馬中統
元年令和木哈總管諸路站至元元年改草漢站令立
各路管民官掌和木哈提領使臣起數鋪馬強兵弱至
元七年十一月立諸站都統領使司使臣非急務則乘
牛驢事竣則馳駟八年中書省議鋪馬劉子用蒙古字
各站未能盡識仰繪畫馬疋錢小印於劄子年月日之
後就左右司以墨印印馬數復以省印覆之墨仰左右
司封掌二十六年二月十六日沿海鎮守官蔡澤言衆
州至杭州陸路甚遠外國進貢方物勞民負荷駟馬多
死澤知海道舊有三千水軍合於海道立水站遞運免
勞百姓又可戢盜尚書省奏從之名曰海站後罷元貞
元年六月九日丞相諤勒哲奏哈勒巴地界舊立狗站十
二所前者當站糧食出於百姓然其地不事耕稼數年
以來站狗多死至站無以交換又赴前站轉致損乏站
戶苦之每戶乞振鈔十定聞其俗用青珠宜相兼與之

奉旨
准奏

弓手

中統五年驗郡邑民衆寡置馬步弓手夜遊邏禁人出
違者有罪皆以防盜也而京師南北兩兵馬司各至千
人郡邑相距遠村落有邸舍可居停者亦置之每百戶
取中產者一人以充盜發期一月獲不獲期兩月三月
一不獲則笞之至再至三則笞加多官有綱運若流徒
者至則執兵仗導從以轉相授受外此則不敢役示專

其求盜職也

中統五年設馬步弓手驗民戶多少置額其夜禁之法一更三點鐘聲定禁人行五

更三點鐘聲動聽人行有公事急速喪病產育之類不拘此違者答二十七下有官者七下贖州縣相離遠處

其間五七十里所有村店及二十戶以上者設巡防弓

手關津渡口食設之處不在五七十里之限百戶內取

中戶一名捕盜官領之有盜則立三限盤捉每限一月

一限不獲強盜一十七下竊盜七下兩限強二十七竊

十七三限強三十七竊二十七限內獲一半者免罪中

都設巡馬侍衛親軍內差四百名至元八年御史臺呈

除捕盜防轉外不得差占十六年南城設一千四百名

北城七百九十五人今定制南兵馬指揮使司一千名

西北關廂巡檢使三十人東關廂巡檢使二十七人北

兵馬指揮使司一千人東關廂巡檢使司十八人畿內共

五十二所二千八百九十九人上都二十四

所六百六十人兵馬指揮使司二百二人

急遞鋪

轉送朝廷及方面及郡邑文書往來十里或十五里二十五里設一急遞鋪十鋪設一郵長鋪設卒五人文書至則紀於歷視早晏標至時於封因以絹囊貯而版夾之又裹以小漆絹卒腰草帶帶懸鈴手槍挾襖襖賣文書以行夜則持火炬馬道狹車馬者負荷者聞鈴則遙避諸旁夜亦以驚虎狼不苦又響及所之鋪則鋪人出以俟其至囊版以護文書不破碎不襃積摺小漆絹襖

襖以禦雨雪不濡濕槍以備不虞所之鋪得之又展轉以去定制一晝夜走四百里郵長治其稽滯者郡邑官復督察加詳焉而勤惰有賞罰京師則設總急遞鋪提領所秩九品銅印官三員又有號牌鎖匣印帖長引隔眼之法可謂密矣

世祖庚申四月大都東北西三道立一百鋪鋪兵一千一十八戶北道左

院花園至云州赤城四十二鋪每鋪十里東道大興縣臘八莊至薊州蘆兒嶺四十鋪二百八西道宛平縣通玄關至涿州澤畔鋪十八鋪百一十四人又立開平至京兆鋪中統元年五月令隨處官司直接鄰境兩界安置至本路宣撫司宣撫司直接至朝省鋪每鋪丁五人縣官置簿付鋪遇有文字至即注名件到鋪時刻傳遞

入姓名又置簿令轉送人取下鋪押字交收時刻還鋪
本縣時復照刷稽滯者治罪與文書縣官以絹袋封記
以牌書號牌長五寸闊一寸五分綠油黃字書號邊闊
急速公遞用匣子封鎖為上重別題號反寫某處文字
發事時刻其匣長一尺闊四寸高三寸黑油紅字書號
以千字文為號傳遞文字須管一時辰內傳遞三鋪燕
京宣德已北寧鋪十里計行二十里燕京宣德已南二
十五里一鋪一時行一鋪計二十五里二年四月禁不
得私自夾帶一毫物件轉送七月以傳遞文字損壞遺
棄委州縣未織投調行月就鋪照押其歷設鋪司一名
堂歷提調官不治事初犯再犯贖三犯笞八年二月以
文字磨振遺失令文字到鋪裏以軟絹包袱又以油絹
卷縛夾版束繫費小回歷一本到鋪交割附歷訖於回
歷上令鋪司驗到鋪時刻并文字角數及有無開拆損
壞仍一晝夜走四百里鋪中什物十二時輪子二枚鋪
歷遇夜常明燈鋪兵各備夾版鈴攀纓搶絹包袱油絹

冀夜回厯九年左補闕祖立福合言急者速也急近名
不佳宜改奉旨令老成人議之中書令翰林國史院議
更為通速鋪不果行二年二月以轉送文字不分緩急
一槩遲滯令急者用油單羊皮表布裏青囊盛之一晝
夜行至百里其餘用油單羊皮表布裏白囊盛晝夜四
百里尋改絹表布裏三十一年設大都總急遞鋪提領
所九品銅印提領三員大德四年和林宣慰司言本處
係蒙古草地無處轉遞文書令使臣順帶至治三年以
反匿損破公文有失設法兵部謹每十鋪設郵長一人
於州縣籍記司吏內差充一歲交承兩州縣相交接之
處鋪多者差相等者近年輪差使之專督其事於所管
鋪分往來巡視務要修置亭舍什物宗備附寫鋪厯分
白依程式走遞文字從始官司量地遠近印帖長引格
眼於上明白票寫件數發行日時至各路郵長去處標
寫發於轉遞上下半月具遞過文字夜各日時申提調
官依期親歷刷整點署押文案報廉訪司照刷各鋪稽

滯損失文字或附寫不明不實郵長罪之罪在別鋪亦須互相舉呈上司行移究治郵長不能盡職提調官罪之三犯者罷仍去州縣籍記姓名一歲之內克盡乃後畧無稽違者即從優先補

祇從

祇從之徒出入呵喝左右指使者也總以首領副以前猶古首面也從在京諸司者給食錢而省六部樞密院御史臺者積勞得除征官外郡者免其雜徭後腹內地取於輸四兩包銀戶南方則以徵稅至米三石之家充是皆庶人之在官者也其額視官府崇卑事務煩簡

而多寡之出額冒居逐去又有守狴犴防囚徒者曰禁
子追呼保任逮捕者曰伊喇附焉

鷹房捕獵

國制自御位及諸王皆有實保齊蓋鷹人也及一天下
又設捕獵戶皆俾致鮮食以薦宗廟供天庖齒草羽毛
以備用而立制加詳地有禁取有時違者罪之冬春之
交天子或親幸近郊縱鷹隼搏擊以為游豫之度曰飛
放故類鷹房捕獵四卷夫獵殺事也而列聖之仁政存

其間殺胎者有禁殺卵者有禁歲饑而盜獵禁地者赦
至皇慶間有司奏出幸時至我仁廟以穀不熟民困曰
朕不飛放且勅諸王位實保齊皆不聽出嗚呼萬世之

下其求法之哉

乙未年曾奉皇帝聖旨籍打捕鷹房戶之屬御位及諸王公主駙馬置打捕鷹房

宮令義辨鴈鵠鷄入宣徽院生料庫雜翎入武備寺薦
新活鴈鴨進入太廟神厨局格皮入利用監鷹隼戶進
鷹雉鷄尾供光天大明諸殿及影堂憲宗五年正月奉
旨正月至六月盡懷羔野物勿殺唯狼不以何時而見
殺之無妨遠者奪聽乘馬及衣服弓矢以賞見而言者
見而不言者亦同罪又喻諸打飛禽人先帝聖旨有郊
飛禽勿捕之今後鷹房人春月飛禽勿殺違者治罪中
統三年十月有旨依舊例中都四面各五百里地內除

打捕人戶依年例合納皮貨野物打捕外不以何人不得飛放打捕鷄兔違者治罪又奉旨北口白馬甸南口三道集園獵違者籍沒一半家產斷罪仍遷其鄉於真定之南籍沒物賞告人惟狼熊虎狐金錢豹可殺景州之東二百里外平樂州西南海邊易州之北及武清寶坻霸州保定東安州亦禁易州之南不禁至元二十六
年十二月二十八日奏檀州禁地內劉得成殺食野物雖已詞伏緣其因饑闕食違禁救死出不得已其家有牛二十頭若依例籍沒何以爲生奉旨免之明年房山民亦以饑犯禁依前例奏免之皇慶元年正月內參議中書省事圖魯哈特穆爾阿爾哈雅等奏飛放之時至矣丞相特穆德爾今臣等奏取聖裁上曰今年田禾多不收百姓饑困朕不飛放一年九月奉旨腹懷地今年田禾災傷諸位下母令實保齊巴爾齊前供

元文類卷四十一